


T 4718/8008
8008/8008

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
SEP 1 1938



八旗通志初集卷之三十四

在下列傳

鑲黃旗滿洲世職本傳

費英東札薩同濟 索特

多羅羅 吳額子 額爾登

蕭齊 趙布泰

齊拜巴圖魯 達福

穆理馬 額爾登

八旗通志初集卷之一百四十一

名臣列傳一

鑲黃旗滿洲世職大臣一

費英東札爾固齊 索海

多頗羅

吳賴

子喇哈 顧德
兄子霸賽 喀賽

衛齊

趙布泰

鰲拜巴圖魯

達福

穆理瑪

子諾莫
蘇爾馬



哈齊貝勒等遷瓦爾喀蜚悠城戶口盡收其環
城屯寨令扈爾漢轄護五百戶先歸值烏喇國
布占泰貝勒發兵萬人邀諸路兩軍搏戰相持
未決費英東札爾固齊與諸貝勒帥兵繼至大
敗之是年伐明取撫順明兵來援費英東札爾
固齊督兵進戰所乘馬聞火礮驚逸諸軍不前
費英東札爾固齊回馬大呼麾眾直入於是諸
軍並進大破之

太祖見之曰此萬人敵也丁未年討東海渥集部同卓
立克圖貝勒等取赫席黑俄漠惠蘇魯佛納赫

拖克索三路俘二千人而歸辛亥年復同阿巴
泰台吉等征渥集部之烏爾古宸木倫二路取
之癸丑年從

太祖征烏喇與諸貝勒大臣力戰殲敵過半我師乘勝
奪門遂拔其城天命四年明兵四路來侵一軍
據撒爾湖山巔率本旗兵進擊破之八月大兵
攻葉赫城費英東札爾固齊攻其西面守陴者
投石飛火不容相逼

太祖命之退費英東札爾固齊不肯退曰我軍已薄城
下矣復

命之退。曰。勢已垂克。必不退也。遂攻墮其城。費英東自

太祖征討諸國。三十餘年。每身先士卒。摧鋒陷敵。戰必

勝。攻必克。屢奏膚功。授一等總兵官。世職。世襲

罔替。五年三月丙戌。以左翼固山額真總兵官

一等大臣卒於位。年五十七。費英東札爾固齊

爲人忠直。見國事稍有闕失。輒毅然強諫。畢智

殫力。克輸勇畧。以佐成

帝業。疾革時。天色明朗。日向西。忽片雲頓起。如鼓聲

鏗。鎗雷電雨雹驟至。不移時而霽。遂卒。

太祖欲親臨其喪。左右皆諫。

太祖以爲心膂共事之臣。決意往臨。痛哭者久之。後因

祭青巴圖魯貝勒。復臨其墓。哭奠焉。

太宗文皇帝卽位。追封直義公。配享

太廟。崇德七年。其孫對阿祖襲一等祿。查只合番掛

太宗特諭羣臣云。費英東札爾固齊。見人不善。必先自

斥責。而後劾之。見人之善。必先自獎勸。而後舉之。其

所奏善惡。被劾者亦無怨言。被舉者亦無驕色。朕未

聞爾等諸臣以善惡直奏似斯人也。順治十六年正

月。帝崩。夏。曆。日。名臣列傳一 四 初集

勇無倫。名高百戰之勲。位超五等之爵。垂聲竹帛。配食

廟廷。以與我國家共承休祉。子孫世衍其澤。是豈偶然者哉。當我

列祖之龍興也。一時人材蔚起。猛士如雲。戰將如雨。以藝勇稱。以功名顯者。不可勝數。而功冠諸臣。爲一代元勲。則開國佐運直義公費英東。尤爲傑出焉。朕嘗恭覽

列祖實錄。考直義公行事。折衝行間。則戰必勝。攻必克。平居則矢忠直。贊謀畫。豐功偉績。至今焜耀簡編。未

嘗不緬懷英風。興念往績。昔人創建艱難。枕戈擐甲。櫛風沐雨之勞。恒流連往復。不能去於懷也。歲在戊寅。朕巡行舊京。展祀

陵寢。追維

祖宗功德隆盛。并及當時佐命之臣。邱隴所在。皆遣官致祭。而於直義公之墓。特親至奠醑。以示優崇。仍復專官祭享。蓋功在社稷。古人爰有明禋之典。朕篤念勛庸。用伸異數。并爲文勒諸貞石。以昭示於無極云。雍正九年。如其封號爲信勇公。子十人。索海。圖賴。最知名。查喀尼。仕至內大臣。

索海。費英東札爾固齊之第六子也。初襲父三等總兵官世職。與第七弟圖賴俱以善戰名。屢立功績。尋緣事革退。所襲世職。旋以從征錦州。大凌河。北京。黑龍江。松山等處。敗敵七次。攻取二城。因特授二等甲喇章京世職。崇德元年。初設六部。任刑部承政。圖賴與兄納海弟蘇完顏俱改隸正黃旗。圖賴今列入正黃旗。

欽定功臣傳。

多頗羅。索海之子也。亦有功戎行。初任牛录章京。順治元年。從入山海關。擊流賊。同甲喇章京

敖德。步戰敗之。又追流賊至慶都縣。又同敖德大殲其衆。以功授牛录章京世職。七年九年。三遇

恩詔。加至二等阿達哈哈番。又因追敘伊祖之功。加為

一等阿達哈哈番。仕至梅勒章京陣亡。

吳賴。費英東札爾固齊第五弟。吳爾漢之子也。

初從大兵征明大凌河。天聰元年。復從大兵征

朝鮮。俱有功。崇德三年。從揚威大將軍貝勒岳

託。征明至山東。擊馮太監兵敗之。遇侯總兵軍

復敗之。尋往守董家口汛地。有敵人步兵千餘。

沿山布列。同準塔巴圖魯進戰。追至敵營。又三屯營地方。有我兵輜重起行。明總兵率馬步三千餘。從旁衝奪。吳賴同準塔巴圖魯率兩固山章京擊却其衆。遂往畧地。克取二城。四年敘功。授牛叅章京世職。五年。隨睿親王多爾袞。征明圍錦州。刈取錦州田禾。錦州城中兵出爭。吳賴率本固山兵擊之。追至城濠。又率本固山兵擊敗松山步兵。八年。從奉命大將軍貝勒阿巴泰。征明。至渾河搭橋。有范軍門率馬步兵千餘來拒。同內爾特敗之。過密雲城。有馬步敵兵三千

餘。列火礮截路。吳賴同鰲拜巴圖魯擊敗之。大兵出邊。有趙軍門率馬步兵來犯。鑲藍旗所守邊口。吳賴率本固山兵擊敗其衆。又有吳總兵范軍門等。以馬步兵來追。仍擊敗之。旋往畧地。克取一城。是年十月敘功。由牛叅章京世職加半個前程。順治元年。隨睿親王多爾袞。入山海關。擊敗流賊。十一月。從靖遠大將軍英親王阿濟格。征四川。凡敗敵十五次。克取三城。二年敘功。加授世職爲二等甲喇章京。七年九年。三遇恩詔。加至二等阿思哈尼哈番。累官至固山額真。子喇

哈。顧德等有傳。第四子綽爾門。襲父世職二等。喇哈。吳賴第二子。康熙十三年。以副都統從征逆藩耿精忠。至浙江。有龔姓偽都督率三千餘賊。伏於江華寨地方。斷路。喇哈率官兵擊敗之。奮勇進戰。四敗賊兵。至孝順街。有賊設立鹿角拒敵。復擊敗之。賊偽將軍楊祿等率三千餘賊。於尖山浮橋放火拒敵。喇哈指揮我兵擊敗其衆。賊又於河岸拒敵。復敗之。至金華府義烏縣。有偽王總兵等率三千餘賊。在山坑嶺兩邊山

坡。設立鹿角挨牌拒敵。復指揮我兵擊敗之。又同都統賴塔敗偽千總何金等。於石梁地方。進至鄭甸山口。敗賊三千餘。鄭甸河北岸。有偽先鋒葉濟。同偽總兵朱老四等率五千餘賊拒敵。遣官兵擊敗之。又敗偽都督陳忠等七千餘賊。至處州。敗偽葉總兵。偽副將馬四等。於林善村。又偽都督周烈。偽總兵桑明等。於衢州蕉園河岸屯兵二萬餘。喇哈隨平南將軍賴塔敗之。又敗賊於洪橋。偽將軍馬九玉者。耿逆之驍將也。總統五萬餘賊。在九溪遷木山札營。遣偽總兵

桑明等率馬步兵二萬來犯。復同賴塔擊敗之。至遷木山。賊札營立寨挖濠。設立鹿角固守。山南面又札立四營。並遣官兵擊敗之。賊又於山北面札立四營拒敵。仍遣官兵擊敗之。又敗偽總兵葉年於黃灘口。破其木城。又破賊寨於望霧山。進至打鐵村。有賊寨。仍擊破之。偽將軍馬九玉率馬步賊兵對繆村渡江來拒敵。遣官兵擊敗之。又破前嶺賊兵木城。偽中軍李廷貴率七千餘賊在衢州府袁口村地方拒敵。遣官兵連擊敗之。毀其木城。又敗偽吳總兵於夏洲河。

東二十五年。事平敘功。授拖沙喇哈番。其弟曰顧德。吳賴第三子。康熙十九年。以委署護軍叅領。從征吳逆至廣西。隨征南大將軍賴塔。由廣西石門坎破賊將何繼祖等於山隘口。又敗之於黃草壩。直抵雲南省城。並在行間有功。二十五年議敘。授拖沙喇哈番。長子布爾賽。仕至都統。霸賽。吳賴兄之子也。初任牛录章京。崇德五年。隨睿親王多爾袞。征明攻松山。駐札俄新河。明總兵祖大壽以精兵六百來戰。霸賽同阿爾沙蘭奮擊敗之。六月。往明邊捉生。斬敵人牧馬。

兵進圍錦州。擊敗賊杏山馬兵。七年圍錦州。克其外關。松山兵夜遁。隨燾章京鰲拜巴圖魯趨塔山南海岸。先敵至其地。夜擊之。戰至天明。敵兵據立山上。復擊敗之。追逼溺水中無算。大兵圍松山。挖濠困之。松山步兵來犯本固山阿里哈超哈汎。霸賽同季思哈迎戰二次。俱敗之。順治二年。以督理牧事有功。授牛錄章京世職。四年。任兵部庫官。以畜牧六載。考察有能。加一拖沙喇哈番。七年三月。

恩詔。加爲三等阿達哈哈番。緣事降爲拜他喇布勒哈

番。九年正月兩次。

恩詔。復加爲三等阿達哈哈番。旣卒。以其孫查爾達襲喀賽。霸賽之弟也。初以副理事官。從征流賊於武昌府。有賊劉浩。船五百順江下。喀賽同甲喇章京達素。取其船。賊馬兵沿岸奔追。登岸擊却之。獲馬十七匹。又率噶布什賢追敗僞劉總兵馬兵。三年從征四川流寇。攻三寨山。賊遣鄰國士。郭士禮。王國奇等。與其黨吳大鼎。約開門以火箭爲號。來犯我軍。喀賽同甲喇章京布葉什理於山腰間迎擊。奪門據之。又同甲喇章京郭

科於嶺上擊敗賊兵。賊渠八大王張獻忠來戰。率本甲喇擺牙喇。隨鰲拜巴圖魯擊敗之。是日賊兵來犯我左翼。喀賽率本甲喇擺牙喇。同甲喇章京達素。布葉什理。連擊敗其眾。尋往山西駐防平陽府。賊首郭中節率馬步兵三千餘犯絳州。一戰破之。十一年。從征廣東至新會縣。隨征南將軍朱瑪喇。敗偽安西王李定國於山峪內。順治十三年。敘功。授拜他喇布勒哈番世職。衛齊費英東札爾固齊第九弟。以父索爾果之功。授備禦世職。往征虎爾哈。收獲五百戶。濟農

額駙。有十戶人逃去。衛齊追獲之。天聰三年。從征明。於遵化擒敵哨三次。又擊敗敵兵五次。以功加世職為遊擊。進十六章京之列。

太宗文皇帝統大兵出征。每令衛齊留守

盛京。任八門總管。八年五月病故。子八人。趙布泰。鰲拜。穆理瑪。並有傳。巴哈累官至內大臣。巴哈子蘇爾達亦知名。見得諡名臣傳。

趙布泰。衛齊第二子。初管牛糞事。崇德四年。同曹海。沙慕什哈。征撒哈連烏喇。獲丁壯六十四人。有杜俄臣。率兵四百來戰。趙布泰同薩畢圖。

吳班率甲士九十人敗之。陣斬五十人。撒哈連烏喇復會同奔博果爾兵來戰。我伏兵出擊。趙布泰先衆衝入有功。五年。授半個前程。是年隨大兵圍錦州。擊敗杏山馬兵。又同巴山擊敗松山步兵。七年。復隨大兵圍錦州。有敵兵駐立山嘴。趙布泰隨梅勒章京翁阿代擊敗之。又同敗敵人馬步兵於山坡。追之。並敗其守柵步兵。是時我左右翼兩路大兵會擊松山馬兵。趙布泰復隨梅勒章京翁阿代敗敵有功。回兵時。有敵來躡我後。翁阿代受重傷。趙布泰力戰。掖以乘

馬。援歸大營。七年。隨奉命大將軍貝勒阿巴泰。征明。入邊之日。擊馬總兵軍敗之。至山東青州府。徐總兵軍來窺我軍。同前鋒擊敗之。明八總兵率步兵來戰。未朝食。卽擊敗其衆。至暮進戰。復敗之。八年。隨征撒哈連烏喇。攻土虎爾廬城。率鑲黃鑲紅二旗兵。並科爾沁兵百名。用火礮擊之。降其衆。獲丁壯二百三十五人。順治元年。隨定國大將軍豫親王多鐸南征。破流賊。至潼關。賊兵夜犯我營。趙布泰率兵射退之。大軍回營。同固山額真恩格圖。殿後。有流賊馬兵來追。

趙布泰同納漢諸諾爾德率兵一半回擊敗之。連日進戰。共敗流賊五次。賊自西安府遁走。趙布泰同燾章京敦拜阿爾津往尋賊踪。遇流賊馬兵三百。圍於一村。悉殲之。二年。隨貝勒博洛往定浙閩。五月至杭州府。同沙爾虎達率每牛录甲士一名。乘船前進。遇偽陳總兵軍五百餘。逃遁。追擊敗之。獲船二十餘隻。有偽兵備道于某率兵三千六百餘人。又海寧縣陳總兵亦率兵來戰。趙布泰同巴代偏俄奮擊敗之。又敗平湖縣泊內秦總兵舟師。獲船十三隻。至松江府。

偽王總兵率舟師逃遁。趙布泰同勞漢沙爾虎達追及。獲船三十隻。又敗松江府敵兵。獲船三十餘隻。大兵旋進福建。所至降附。趙布泰率師直抵福州。攻克省城。於是全省底定。以功加世職。為牛录章京。又加半個前程。還京補兵部理事官。五載考察有能。又加半個前程。授為三等

甲喇章京。六年。從征湖廣。隨佟圖賴擊偽總兵陶養用。於衡州府。敗之。又擊偽興寧伯胡一清於衡州府南山坡。同梅勒章京碩占破其營。進王公嶺。敗偽黃副將斬之。又敗偽將周金湯馬

步兵三千餘於山隘口。自太宗橋洞回兵。有偽總兵方世勇等。率馬步兵三千餘駐札山上。趙布泰率本翼兵擊敗其眾。賊渠王進才率兵四千餘立二營迎戰。復敗之。師旋。追敘從破流賊滅福王平定河南江南攻克海寧縣功。加世職至三等阿思哈尼哈番。順治十四年十二月。奉勅諭。逆賊煽動雲貴。騷擾地方已久。今賊李定國與孫可望互相爭戰。可望來降。乘此賊黨內亂。人心未定之際。特命爾趙布泰為征南將軍。統兵進討。爾統領前去官兵。並提督線國安。標下官兵。及湖南調發官

兵。由廣西前往貴州。相機進取。十六年正月。平定雲南捷聞。初安遠大將軍信郡王多尼。征西大將軍平西王吳三桂。與趙布泰會於平越府之楊老堡。議分兵進取雲南。多尼自桂陽入。三桂自遵義入。趙布泰自都勻入。訂以十二月會師雲南省城。趙布泰兵至盤江之羅彥渡口。賊拒隘沉船。我兵不得渡。投誠土知府岑繼魯獻策。從下流十里。取所沉船。乘夜潛師而濟。賊倉皇逃潰。梁瑞津有偽伯李成爵。屯兵萬人於山谷口。我兵環擊。大敗賊眾。斬獲無算。時偽晉王李定

國全師據雙河口山巔。趙布泰遣兵登山，奪其形勝。賊列象陣來爭山，我兵大敗之，獲其象隻。至魯噶，定國復率三十營賊兵，列柵拒守。趙布泰分兵爲三隊，張左右翼擊之。再戰俱捷，獲象馬甚衆。時聞賊尚據鐵鎖橋，乃從普安州間道入雲南。三路大兵俱入省城。李定國、白文選與僞桂王奔永昌。凱旋論功，加世職爲二等阿思哈尼哈番。康熙三年，緣伊弟鰲拜事革世職。尋以其平定雲南功大，給還世職如故。鰲拜，衛齊第三子。初以護軍校從征，屢立軍功。

天聰六年正月，同劉哈庫特庫、他哈布等往明界捉生，獲蒙古五名，漢人三十名，牲畜三十餘。八年，襲牛叅章京世職。二月，同阿山等往畧明錦州。七月，隨豪格、貝勒等往上方堡，折毀邊牆。攻臺提生，復同纛額真、譚泰、圖賴等前往埋伏。太宗文皇帝親率大兵繼之，由喀喇巴爾噶孫地方往

征察哈爾，收其遺民。旋由大同入明邊，克得勝堡。崇德二年，大兵征明皮島，多羅武英郡王集諸將詢問進取之策。鰲拜與準塔願爲前驅，與王約曰：我等若不得此島，必不復來見王。遂與

八旗通志 卷一百四十一
準塔連舟渡海。先衆而往。舉火爲號。以待後師。敵兵於堡上列陣拒戰。鰲拜等奮勇徑克之。

太宗以此島可比大城。從優議敘。由牛朶章京超擢爲三等梅勒章京。與準塔並大同人。賜名巴圖魯。

四年三月。同丹岱等率擺牙喇沿錦州城馳畧。獲馬十四匹。羊一百七十隻。殺二十人。六年七月。大兵圍困錦州時。明軍門洪承疇兵攻我山營。鑲黃旗擺牙喇兵。鰲拜巴圖魯等至步兵木柵下。力戰敗之。賞銀四百兩。八月敘克錦州功。並錄從前勞績。加世職爲一等梅勒章京。

初鰲拜隨和碩鄭親王初次圍錦州時。領擺牙喇。擊敗杏山本汛敵兵。及和碩鄭親王攻克錦州外城。敵騎兵自松山出。又領擺牙喇。燾於汛地敗之。敵兵列柵抗拒。不待王貝勒傳令。遂徒步衝入。兩班兵合擊松山敵兵。有城內敵兵來襲王貝勒後。又擊敗之。故有是超擢云。是年晉授燾章京時。

太宗以洪承疇等率兵十三萬來援錦州。遂親統大兵往征。敵兵犯我汛。我兵屢擊却之。

太宗還營。諭諸將曰。敵兵今夜必遁。左翼四旗擺牙喇

纛章京鰲拜巴圖魯等。可各率本旗擺牙喇至右翼
汎地排立。敵兵有遁者。如百人。則以百人追之。千人
則以千人追之。如敵兵衆多。則汝等協力追擊。直抵
塔山。是夜一鼓。明總兵吳三桂等。果率馬步兵遁走。
沿海潛奔。鰲拜巴圖魯等相繼追之。殺其兵過
半。八年六月。敘左翼十二固山功。賞鰲拜巴圖
魯銀五百兩。緞二十疋。十月。敘征錦州松山北
京山東等處軍功。由一等梅勒章京加爲三等
昂邦章京。順治元年。隨大兵定燕京。二年正月。
敘克明北京功。以鰲拜巴圖魯夙荷

太宗文皇帝寵眷。擢爲一等昂邦章京。尋封三等侯。又
進爲一等。五年十一月。統兵駐防大同。十二月。
大同總兵姜瓖叛。六年。從端重親王博洛。往征
之。三月。駐馬路。得勝路。賊兵五千餘。由大同北
四圍山出立二營。來逼我軍。鰲拜巴圖魯破其一營。
奮勇進勦。斬首殆盡。八年正月。任議政大臣。九
年。進封一等公。十四年六月。以

恩詔加少保兼太子太保。十八年春正月壬子。

世祖章皇帝不豫。至丙辰日。顧命以鰲拜巴圖魯與索

尼。蘇克薩哈。遏必隆。四人爲輔政大臣。康熙七

年正月。以

世祖配

天覃恩加太師。八年五月。以罪革職賜死。五十二年四

月。

聖祖仁皇帝特諭。我朝從征効力大臣中。莫過於鰲拜

巴圖魯者。伊功勞冊現藏大內。應於兄弟中。另擇承

襲之人。隨追

賜一等阿思哈尼哈番。以其弟之孫蘇黑承襲。雍正四

年四月。

賜鰲拜祭葬。五年。復一等公爵。令其孫達福承襲。九年。

加其封號為超武公。

達福。鰲拜之孫。康熙六十年。襲一等阿思哈尼

哈番。雍正三年。兼管佐領。四年。陞護軍叅領。五

年十一月。授正藍旗滿洲副都統。隨帶管裕親

王王府長史事。本月

賜還鰲拜一等公爵。卽令達福承襲。兼授散秩大臣。十

二月。任左翼前鋒統領。隨授議政大臣。六年。署

領侍衛內大臣。七年。緣事革退。前鋒統領。領侍

衛內大臣。六月。隨靖邊大將軍領侍衛內大臣

吏部尚書公傅爾丹。由北路進征。準噶爾。九年。

八旗通志 卷一百四十一
至和通胡爾漢諾爾地方與賊遇奮勇力戰遂
歿於陣。

賜祭葬如典禮。祭文稱其忠勇性成。才能稱職。捐軀報
國。奮不顧身云。尋議卹。追授爲拜他喇布勒哈
番。以其子德成承襲。

穆理瑪。衛齊第四子。順治元年。襲伊父三等甲
喇章京世職。七年九年。三遇

恩詔。加至一等阿達哈哈番。又一拖沙喇哈番。五年六
月。從征南大將軍譚泰。往江西征叛鎮金聲桓。
至饒州府。有僞洪總兵。率兵二千餘渡童子河。

拒敵。穆理瑪同噶爾他喇等。擊敗其衆。遙見隔
河。駐立二千餘賊。復渡河擊敗之。尋以紅衣礮
攻南昌府城。次日留殿後。有馬步賊二萬餘出
城來犯。同叅領巴都擊却之。賊首金聲桓與其
黨王得仁。率馬步兵七萬餘來戰。隨大兵敗之。
僞劉總兵率馬步三千人。帶雲梯挨牌來犯。正
黃旗濠汎。同委署纛章京吳沙。擊走之。賊首金
聲桓王得仁等。自率馬步兵帶雲梯挨牌來犯。
正紅旗濠汎。復同吳沙連敗之。凱還。累陞至固
山額真。康熙二年八月。授靖西將軍。同定西將

八旗通志 卷一百四十一 各旗大臣傳一 三
軍圖海。往征湖廣流賊李來亨。時來亨據茅麓山。大兵至山後長樂嶺。賊衆三千餘迎犯。遣官兵奮擊敗之。來亨子率四千餘賊。築城堞排列鎗礮。挨牌拒敵。復遣官兵擊之。毀其城。賊會同山下賊合陣拒敵。復擊敗之。賊於土王平地方挖濠固守。賊渠李來亨自率兵五千餘。分八路來犯。分遣副都統朔岳爾圖。委署噶布什賢章。京賴塔等。盡擊敗之。進攻茅麓大山。賊四總兵。四副將。列烏鎗火礮。挨牌滾石釘椿。率領賊衆拒敵。遣官兵連敗之。賊又來犯我綠旗營。又夜

犯總督李國英汛。穆理瑪率同梅勒章京赫業等。援擊並敗之。賊又往犯提督鄭蛟麟汛。卽同委署燾章京瓦岱等。援擊。賊又犯委署燾章京根特巴圖魯總兵于大海等汛。同哈克山。杜爾甲等。援擊並敗之。來亨勢窮。闔室自焚死。招撫僞王一。僞侯三。僞總督一。僞總兵副將叅將遊擊都司守備等。一百九十六員。賊兵千餘。三年還京。論功由一等阿達哈哈番。兼一拖沙喇哈番。超陞爲一等阿思哈尼哈番。八年。以其兄鰲拜。巴圖魯罪。牽連正法。子四人。次子諾莫。任護

軍參領。以軍功授拖沙喇哈番。第三子蘇爾馬。任一等待衛。從征陣亡。

(Faint bleed-through text from the reverse side of the page)

八旗通志初集卷之一百四十二

名臣列傳二

鑲黃旗滿洲世職大臣二

額亦都巴圖魯 車爾格

陳泰 喇哈達 弟巴喀

謨海 兄韓代 阿達海 兄子阿哈尼堪

圖爾格 子吳爾格 宜爾登 科布梭

敖德 瓦岱

超哈爾 子額黑里 孫英素 三世孫郎保

索渾 遏必隆

索

...

...

...

...

...

...

...

...

額亦都巴圖魯滿洲鑲黃旗人。姓鈕祜祿氏。世居長白山。幼時父母為仇家所害。額亦都賴鄰人匿之得免。年十三殺其仇人。避依姑於夾木湖村。

太祖高皇帝過其地。額亦都見之。即識為真主。欲從行。請於姑。姑不可。額亦都奮然曰。丈夫生世間。甘碌碌老乎。

太祖器之。命從行。日見信任。初討尼堪外蘭于圖倫城。率眾先登。攻色克濟城。乘敵無備取之。大獲牛馬以歸。別督兵攻舒爾格布占城克之。丁亥年。

秋八月。督兵取巴爾達城。至渾河。河漲不能涉。以繩聯軍士。魚貫而渡。率銳卒數人。乘夜先登。城。城中兵悉力迎拒。跨堞以戰。飛矢貫股。著於城垣。揮刀斷矢。戰益力。被五十餘創。不退。卒拔其城。

太祖深加褒獎。遂賜號巴圖魯。薩克查兵入寇。率數人擊敗之。復乘夜襲取其城。進攻尼麻喇城。先衆疾戰破之。復取章甲城。獨前奪門克之。取索爾和村。戰冠軍。界凡有科什者。恃其勇。盜九馬以竄。單騎追斬之。悉取馬以歸。夾木湖之貝渾巴

顏謀叛。附哈達。

太祖命往誅之。盡殺其父子五人。癸巳年秋九月。葉赫等九國合兵來侵。

太祖陳師古勒山。遣額亦都率百騎挑戰。敵悉衆來犯。我師額亦都奮勇敗之。殺葉赫貝勒布寨。九國之師皆潰。復率兵畧諾賽寨。及卓佳村。我軍有齊法漢者。歿於陣。額亦都逆擊破敵。以其尸歸。是年。訥殷路搜穩塞克什。聚七寨人。據佛多和山寨而居。閏十一月。額亦都同噶蓋扎爾固齊。碩翁科洛巴圖魯。督兵千人。圍訥殷佛多和山。

寨三月下之。斬搜穩塞克什。丁未年夏五月。與卓立克圖貝勒征東海渥集部。取赫席黑。俄漠惠蘇魯。佛納赫拖克索三路。俘二千人。庚戌年冬十一月。率兵一千。招撫東海渥集部之那木都魯。綏分寧古塔。尼馬察四路。降其長康果里等十九人。令其家口前行。回兵至雅攬路。擊取之。獲俘萬餘。辛亥年冬十二月。同何和里額駙等率兵二千。征渥集部之虎爾哈路。圍札庫塔城。三日招之不下。遂攻克之。斬首千餘。俘二千人。其環近各路。盡招撫之。令土勒伸額勒伸衛

其民五百戶而歸。復偕碩翁科洛巴圖魯督兵攻馬根單花豹衝。三岔兒堡。並克之。大兵征哈達。滅輝發。癸丑年滅烏喇。天命四年滅葉赫。敗明四路兵。額亦都並為前鋒。率領勇士。力戰有功。賦性忠誠。勇敢絕倫。自年十九從

太祖征討。數十年攻城野戰。所向皆捷。未嘗敗挫。每克敵。

太祖輒嘉獎之。其取巴爾達城。及敗薩克查也。

太祖親迎宴勞。以所獲巴爾達城之衆。盡

賜之。其敗九國兵也。

賜以親乘名馬。前後賞賚衣裘弓矢。人戶牲畜無算。悉分給有功士卒。不以自私。

太祖優禮遇之。初妻以族妹。後復以和碩公主降焉。積功授左翼總兵官。一等大臣。天命六年卒。年六十。祭墓時。

太祖親臨慟哭。

太宗文皇帝天聰元年。追封爲弘毅公。配享

太廟。議功。復授其子遏必隆爲一等總兵官。

世祖章皇帝建碑以旌異之。曰。帝王得人。共圖大業。治定之日。必昭其功於天下。後世以志不忘。我

祖宗創造艱難。一時鷹揚之佐。邁會風雲。號稱濟濟。成績具在。藏於冊府。額亦都者。奮跡戎行。戰功久著。從征哈達。烏喇。葉赫。暨攻圖倫。襲色克濟。率衆先登。敵無堅壁。至敗巴爾達。奮軀登堞。矢貫其身。連於堞上。以刀斷之。猶能入城。其鷲猛有過人者。少年歸命。身經百戰。屢被重創。遍體瘡痍。如收赫席黑。虎爾哈雅。攬諸部。又能以少擊衆。俘獲甚多。開拓疆土。厥績懋焉。

太祖嘉與勲庸。賜以婚媾。及其歿也。

先皇復加追敘。高爵崇祀。軫恤甚備。國有若臣。可謂忠

勇忘身。有始有卒者矣。用勒貞石。以示表章。歲月逾遠。嘉績彌彰。於以褒勸有功。庶幾宣力國家者。聞之而有感云。康熙三十七年。

聖祖仁皇帝謁

陵至盛京。親奠其墓。三十九年。復

御書碑文。勒石紀功焉。子十六人。車爾格。圖爾格。宜爾

登。敖德。超哈爾。遏必隆。暨孫陳泰等。並有傳。

車爾格。弘毅公額亦都巴圖魯第三子也。自幼

隨

太祖高皇帝於軍中。屢建功績。因授備禦世職。旋加爲

遊擊。奉

命率大兵。往征東海瓦爾喀部落。大勝之。俘獲甚多。及

歸。

太祖親出郊迎之。深加褒獎。宴以盛筵。又以其父功大。

授三等總兵官世職。

賜勅命。准免死三次。

太宗文皇帝天聰元年。設八大臣理政事。車爾格授固

山額真。是年。奉

命同貝勒阿敏等。率大兵往征朝鮮。其國王李倧屈服。

願納貢獻。凡我國使至。毋敢弗敬。遂設誓定盟。

秋毫無擾。率兵歸。又奉命率兵二百往明錦州捉生。斬七人。生擒九人。獲馬十匹。又擒把總一名。五年。初設六部。以車爾格為兵部承政。八年。同內院范文程等往探明副將尚可喜信息。遂招以來歸。旋緣事革職。管牛彖章京事。復授為梅勒章京。崇德三年。重定部院官。特授工部侍郎。旋陞戶部尚書。四年。考績。授牛彖章京世職。順治元年。以定鼎燕京。加恩舊臣。加半箇前程。二年。二月卒。康熙二十一年三月。

特旨遣官祭墓。子法古達承襲世職。遇恩詔加至三等阿達哈哈番。

陳泰。車爾格長子。初管擺牙喇章京事。從大兵。證明攻錦州。遇寧遠兵。同圖爾格直進。斬敵一人。又瞭見寧遠兵出。遂先眾直入。斬敵執纛者。得其纛與馬。天聰三年。從證明北京。遇明巡撫袁應泰兵。同多羅英郡王破之。五年。取大凌河。遣伏追敵哨。獲一人。明監軍道張春兵來戰。隨正白旗兵以步戰入。勝之。崇德元年。從大兵征朝鮮。屢敗朝鮮兵。三年。隨貝勒博洛證明。過北

京。敗豐潤縣兵。遇明馮太監率兵至。擊敗之。又
敗明侯總兵。尋往視右翼兵。遇明總兵祖大壽
兵百人。率擺牙喇三十人擊敗之。獲二纛。馬二
十五匹。五年。從大兵圍錦州時。聞杏山近城有
牲畜。率蘇班代往取。多所獲。又與杏山兵戰。敗
之。六年。破錦州關廂。遇松山馬兵來援。率本甲
喇兵擊敗之。又以步戰擊敗敵鎗柵步兵。是時
我軍二十一人。往關內取草。有敵兵四十人來
追。率六人擊之。追敵至伏處。救出取草者二十
一人。明松山敗兵來尾我兵後。率甲喇兵復進

擊却之。七月。敘功。授牛叅章京。世職。七年。圍錦
州。掘壕困松山。明兵夜犯我。正黃旗蒙古固山
汛。同吳內格往援。擊敗之。八年。從貝勒阿巴泰
征明。進邊之日。同鰲拜巴圖魯擊馬總兵軍。敗
之。至渾河搭橋。范軍門馬兵一千來戰。率固山
擺牙喇擊敗之。至山東。攻東阿。汶上。寧陽。三縣
城。並指揮我兵克之。以功加世職。爲三等甲喇
章京。順治元年。從睿王多爾袞入山海關。擊流
賊。同宗室公阿代率擺牙喇敗之。追至慶都縣。
又擊敗之。以功加授世職。爲二等甲喇章京。從

八旗通志 卷一百四十二
征湖廣。敗流賊一隻虎於荊州。四年四月。任禮部侍郎。十一月。授靖南將軍。同梅勒章京董阿賴征福建。遣章京等率兵前進。遇賊首曹大鎬。步兵三千。敗之。至建寧府。有步兵五百出屯教場。卽同董阿賴督兵敗其衆。賊首張耀星以步兵四千迎戰。同董阿賴。蘇泰等敗之。攻建寧府同安縣。並同董阿賴。蘇泰。以紅衣礮克之。至平和縣關。同董阿賴。蘇泰。李什哈。祖澤遠。以紅衣礮攻克其城。又遣綠旗官兵克十三縣。招撫一州七縣。六年四月。福建底定。捷聞。奉

旨據奏官兵大捷福建全省已定。陳泰等盡心調度。克奏膚功。深可嘉悅。在事人員查明議敘。尋議超加世職爲二等阿思哈尼哈番。七月。陞固山額真。七年十二月。補授刑部尚書。八年正月。轉吏部尚書。三月。陞國史院大學士。七月。緣事罷。九年正月。補禮部尚書。三月。調本旗固山額真。是年。遇恩詔。加世職爲三等精奇尼哈番。緣事降爲一等阿達哈哈番。旋遇

恩詔。加一拖沙喇哈番。尋復

賜還原世職。加爲二等精奇尼哈番。十年十二月。授寧

南靖寇大將軍往征湖廣比至以眾章京兵分
 撥與蘇章京蘇克薩哈征常德府偽南安王劉
 文秀遣偽左將軍盧明臣興國侯馮雙禮等總
 兵官三十餘員帥賊兵六萬餘乘船千餘艘分
 兵攻岳州武昌陳泰令甲喇章京胡尼牙羅和
 率章京兵乘船二十四隻埋伏河岸賊首率眾
 來戰胡尼牙等擊敗之又有偽王都督船百餘
 隻拒敵胡尼牙羅和等將八固山船隻齊進仍
 擊敗之偽南安王劉文秀偽鄂國公馬進忠偽
 武陵侯楊國棟偽安化伯毛宗文等率船千餘

隻自江順流而下至常德府陳泰遣甲喇章京
 蘇拜希福等率每固山下擺牙喇十名以船迎
 擊敗之偽左將軍盧明臣船百餘隻擺列江中
 拒敵陳泰遣蘇章京蘇克薩哈伏兵邀擊大敗
 其眾甲喇章京蘇拜希福等亦率擺牙喇以船
 迎擊之偽滿總兵陳總兵李總兵等復率兵二
 千乘船七十隻於德山下擺列拒敵陳泰遣甲
 喇章京穆成格巴克善等率八固山下兵破之
 穆成格巴克善等進至龍陽縣滿總兵盧總兵
 率兵二千餘犯我看守水路兵放火燒船適穆

成格巴克善等兵至卽進擊敵大敗其衆是役也僞將軍盧明臣赴水死僞侯馮雙禮被重創獲僞印勅招撫官五十一員兵三千餘名文秀遁走貴州十二年陳泰卒於軍十三年正月從征大臣回京

世祖章皇帝曰大將軍固山額真陳泰爲朕効力中道身亡朕甚慟悼諭畢揮淚不止因勞諸臣以酒

世祖復念大將軍功召學士麻勒吉等謂曰若大將軍班師回京朕將躬酌慰勞之不幸中道棄捐不復相見爾等以此一觴奠大將軍靈次少抒朕追悼之懷

二月

遣官致祭賜諡忠襄加世職爲一等精奇尼哈番又一

拖沙喇哈番子尼滿襲世職旋卒無嗣以第五弟喇哈達之子白啓爲後襲世職累任散秩大臣

喇哈達車爾格第五子順治二年授爲三等待衛七年襲其兄法古達三等阿達哈哈番世職八年授二等待衛十年陞授一等待衛十七年任督捕侍郎十八年陞工部尚書授議政大臣康熙三年任鑲黃旗蒙古都統八年調鑲黃旗

滿洲都統以功加世職爲一等阿達哈哈番十三年三月逆藩耿精忠反四月授鎮東將軍率滿洲蒙古每佐領驍騎一名及所調喀爾沁土默特兵二千駐防兗州以副都統伯穆赫林甘度海叅贊軍務時平南王尚可喜疏請調發官兵征勦逆賊及長江宜設舟師備禦喇哈達奉

命移師於山東江南河南要地駐防六月奉

聖祖仁皇帝諭曰鎮守杭州將軍圖喇因病罷任今浙江當多事之秋杭州諸處殊爲要地以爾素有才能遣往暫理杭州將軍事務爾抵杭州可與副都統馬

哈達雅塔理侍郎達都等會同商酌務期固守封疆愛養將士收拾軍民之心以副朕委任之意比至任卽遣副都統拉哈率兵征台州等處斬賊首楊路生擒李猷等五人遂復諸暨縣七月疏報耿逆僞總兵閆標等率賊萬餘自温州處州來犯金華遣副都統鄂申巴圖魯率兵迎戰大敗之斬賊七千餘級斬僞官以百計生擒總兵官閆標等官一百七十二員斬之下部議敘又親率兵進勦逆賊於紹興金華嵯縣新昌遂安等處賊衆悉敗所獲劄付軍器甚多遂克復諸縣又

遣原任提督王景公率水師征寧波至夏門有賊船百餘隻來拒以紅衣礮擊壞賊船五隻斬賊二百餘獲賊大船一隻船上賊悉殲之又大松洋有賊大船二隻擊敗之獲其船盡殲其衆又遣副將達殷等率兵取金華之塘溪縣林背等處一日間連取賊十一要路關口焚賊木城柵斬賊首唐義沈新並斬賊兵一千一百餘人生擒四十六人賊衆被傷死者無數獲劊付七張牌票三張燾幟火礮鳥鎗弓箭等軍器甚多十四年三月奉

旨赴奉命大將軍康親王傑書軍前贊畫閏五月耿逆賊兵三路侵犯處州喇哈達自率大兵進剿於處州府所屬十八都石塘宗洋併石佛嶺等處遇耿逆偽總兵陳德功叅將黨色張文定等賊萬餘擊敗之復松陽縣又同平南將軍賴塔遣正白旗副前鋒叅領拜思虎朗等率兵圍衢州府所屬南塘萬清二村併前嶺等處賊寨斬賊七百餘人生擒六十四人又遣叅將裴天祿原任知縣李景邦等率兵往勦武義宣平二縣擊賊首唐天喜等十六戰皆捷斬賊一千五百餘

人生擒二百七十人。降偽副將唐天喜等大小官員一百六十三名。兵萬餘。遂復武義宣平二縣。所獲火礮鳥鎗盔甲軍器無算。遂率大兵前進。遇海賊鄭錦所遣偽總督許燿。領兵三萬餘來犯福州府。至烏龍江前小門山真鳳山。列十四營。喇哈達統兵破之。追擊四十餘里。斬偽大小官及生擒者三十四員。斬賊兵三百一十三人。獲偽印七顆。劄付四張。火礮鳥鎗軍器無數。

十五年十二月奉

旨授寧海將軍職。自率兵攻興化府。遇偽總督與明伯

趙得勝。偽虎威將軍何祐。偽提督馬成龍等。領兵四萬餘。立二十六營。先以兵萬餘來拒。喇哈達會同平南將軍賴塔督兵擊敗之。追至賊大營。指揮將士奮力進戰。連破賊二十六營。斬賊甚眾。並斬其偽總督趙得勝等。生擒總兵等官。所獲偽印劄付軍器甚多。遂復興化府。偽總兵郭維藩以仙遊縣降。偽總督佟印。秦俊。偽左虎威將軍何祐。右虎威將軍許燿。吳素等。自興化敗竄至泉州。復聚三萬餘賊。據城固守。海賊鄭錦。又以我原任提督王景公為偽總督。與兵三

千來助守泉州。立二營於城外。喇哈達親率官兵於五鼓時進擊。圍其城。至天明。揮勇士梯城而入。遂克之。城中賊潰遁。發兵追擊。遇僞將軍何祐。率五千餘賊拒戰。擊敗之。追至江邊。截斬甚衆。賊下海逃竄。復追擊三十餘里。遇降賊提督王景公。率五千兵拒戰。擊敗之。又僞提督吳素。以兵三千於江岸拒戰。亦擊敗之。素投江死。斬賊甚衆。追殺三十餘里。又遇賊兵五千餘於漳州大路。拒戰。復擊敗之。是日五敗賊兵。斬賊帥僞將軍許耀。總兵官六員。副將三十七員。斬

賊兵三萬餘。招安五縣。遂復泉州府。喇哈達親入府安輯軍民。漳州海澄。委署總兵官沈壽方。知府程夢鑑等。報賊首鄭錦。自興化泉州敗後。喪志。舍漳州海澄逃匿。卽親率大兵往漳州府。以海澄尤屬緊要。令提督段應舉前往鎮守。自率兵追剿。途中招降僞建威將軍一員。僞大駕都督二員。總兵官七員。副總兵官三員。副將四十三員。叅將以下等官。三百五十六員。兵四千一百七十名。民十六萬六千四百。獲糧二千石。紅衣礮軍器無數。恢復海澄縣。賊氛爲之一靖。

十七年四月。聞龍溪縣所屬半山。有賊二千。卽遣鑲黃旗前鋒叅領佟納。一等侯馬三奇。率兵剿之。僞副將黃邦漢等皆納降。賊兵復犯漳州。督師往剿。賊首劉國軒等。率十三鎮之兵。約三萬餘。立營拒戰。遣副都統胡圖等。率官兵擊敗之。焚燬賊八營。斬首千餘。追至江岸。賊復整兵拒戰。斬首四百餘。敗之。馬鞍山有賊三萬餘。拒戰。敗之。斬首六百餘。多獲軍器等物。又遣副都統胡圖。率兵征萬人洞等處。聞有賊衆取我祖山頭營。卽令胡圖斂兵以待。自率兵至千石山。

殺入。敗賊首劉國軒。斬其兵萬餘。又遣胡圖率兵剿段山寨賊營。賊率三十餘船。於水路拒戰。奮擊敗之。沉賊船二隻。斬首六十餘。又遣胡圖。率兵千餘。助紅橋寨賊拒戰。敗之。斬首二百餘。以雲梯克紅橋寨。又自率兵進剿漳平。一面遣官兵造雲梯。一面遣書招安。僞總兵官徐彪。副將陳文山等。遂率僞官二十七員。獻其僞印劄。付。並兵四百五十餘人。以降。遂復漳平。又親率兵攻南安縣。路遇侍讀學士李光地。報賊聞大。

兵至。棄城逃遁。卽至南安縣安撫百姓。向泉州府進發。有南安縣知縣鄭天倫。報賊楊庭寨等。於十六渡等處。不時搶奪。卽遣泉州府副將等。率兵招安。賊陸續皆降。又遣副將周果等。招降僞遊擊莊質。並僞官三十員。兵一百六十餘人。有僞總兵都督林盛。以兵四千固守董石。遣副都統鄂申巴圖魯率兵攻取之。生擒僞總兵陳森等官一百六十三員。董石附近石境賊。震懼棄營而逃。又大定小定等處有賊。遣副都統鄂申巴圖魯率兵剿之。敗僞將軍張志。追殺至中

寨。奪其寨門。賊由大定敗走小定。又擊敗之。出示招降。於是守虎頭寨僞叅將班楊等。及軍民盡受招安。率兵進剿高溪。兵未至。賊懼先逃。進攻廈門。分遣我漳州兵兩路夾攻。賊不能支。亦逃去。寮蘆等處僞總兵官吳國俊等。率軍民獻城以降。金門賊衆。聞廈門已破。盡行歸順喇哈達。自康熙十三年。率兵進剿。由杭州至福建等處。共恢復府州縣城三十餘處。生擒及招降僞提督總兵以下等官。八百四十餘員。兵一萬五千一百餘名。斬首五萬四千七百五十餘級。所

獲軍器無數。海賊再入犯。復平定福建。得漳州府海澄等十縣。僞官四百三員。兵四千一百七十名。共招安民十六萬六千四百名。獲糧二千石。捷音

奏

聞奉

旨。覽卿所奏。勦撫並施。所向皆捷。誅逐海寇。重復福建全省。安撫黎庶。建立偉績。深屬可嘉。其有功官軍。議敘奏聞。著兵部知道。康熙二十年。兵部補議軍前違悞事宜。擬以革職奉

特旨。著照常以都統留任。二十四年九月。引年乞休。奉旨。准原品休致。四十二年七月卒。年七十七歲。

賜祭。並修墓銀五百兩。喇哈達第七弟巴喀。初任二等

侍衛。兼護軍叅領。順治十二年。委署護軍統領。領兵駐防湖廣。尋補授副都統。率師攻取彬州。十四年。從征雲南。擊僞晉王李定國。攻取磨盤山。與前鋒統領博爾黑圖居頭隊。左膊及足。俱受箭傷。力戰竟破賊兵。康熙十三年。逆藩吳三桂反。巴喀與都統席卜臣。同領兵駐防西安。旋有

旨。每佐領下派騎兵一。往助順承郡王勒爾錦進剿。巴喀與焉。比至湖廣。順承郡王令守襄陽府。十四年五月。吳三桂遣偽將軍王惠。張宜臣。來取南漳縣。巴喀擊敗之。六月。賊首楊來嘉。同王惠。張宜臣。又來取南漳縣。復擊破之。十五年五月。從貝勒察尼進攻太平街。與賊對壘。巴喀分二隊以進。見賊營內外。俱有準備。遂同署護軍統領查庫等。乘船擊賊營門。射倒賊將二人。追殺里許。旋縱火焚賊營。大敗之。師旋。緣事革職。謨海。弘毅公額亦都巴圖魯第七子。早歲從

太祖高皇帝出征。屢立戰功。仕至固山額真。後出征陣亡。又謨海第四兄韓代。第五兄阿達海。及阿達海之子阿哈尼堪。並以從征歿於陣。

圖爾格。額亦都巴圖魯第八子也。幼從

太祖高皇帝征討。積功授世職。至一等叅將。

太宗文皇帝卽位。八旗各設二大臣。備屯戍。決訟獄。號十六大臣。以圖爾格任鑲白旗。旋擢固山額真。又追敘其父勲。授三等總兵官世職。天聰三年。從

太宗征明。攻遵化。率本旗兵力戰克之。四年正月。大兵

八旗通志 卷一百四十二
還。以灤州係邊地。令同那木泰及文臣庫爾纏榜式等留守。明兵取灤州。解固山額真任。併削世職。五年。從征錦州。焚明兵糧餉。率擺牙喇兵駐守錦州松山。夜值明兵二十騎。自錦州趨松山。悉擒斬之。又我兵追敵偵騎。有星內墮馬。敵人將加害。圖爾格率三十人直前馳擊。翼之以出。五月。明人將城大凌河。同那木泰率兵一千往探。大俘獲而還。於是復補用爲吏部承政。七月。圍大凌河城。城內兵突出。攻我所得之臺。同和碩圖、葉臣等夾擊敗之。追殺至城壕乃還。十

太宗將出兵收察哈爾遺民。併入明邊畧大同。命圖爾格與梅勒章京勞薩等率擺牙喇兵渡遼河。沿張古臺河駐劄。保守外藩蒙古。兼扼敵兵。九年。隨墨爾根代青、貝勒多爾袞等統精兵一萬。往收察哈爾林丹汗子額哲。時爲左翼兵主。旣服。額哲遂畧山西一路。自平魯衛入毀寧武關。畧代州。乘勝至忻口。明兵七百來探。追擊至崞縣。

八旗通志 卷一百四十二
盡殲其衆。我兵出邊。平魯衛兵五百來追。迎擊
敗之。大同步兵三千踵至。伏兵還擊。追北至城
下。斬殺無算。十年二月敘功。復授一等梅勒章
京世職。仍任固山額真。崇德元年。隨多羅武英
郡王阿濟格。征明。攻昌平州。乘隙先登。克其城。
又與薩穆什哈攻雄縣。仍先登克之。三年九月。
隨和碩睿親王多爾袞。征明。擊破太監馮永盛。
總兵侯世祿兵。敵步騎數千。據董家口及青山
關。抱險迎拒。圖爾格同固山額真拜尹圖擊破
之。奪關下四城。五年。圍錦州。我兵取其城外之

禾。敵師來爭。圖爾格奮擊敗之。追殺至城下。又
率本旗兵擊破松山杏山步騎。又同固山額真
葉克舒率兵三百。伏錦州西南之烏忻河口。敵
覺。遣千餘衆來襲。收兵還戰。葉克舒以馬被箭
躓。圖爾格射却敵。援之出。往來衝突。凡六敗敵
師。身被二十三箭。馬傷十九處。尚殿後力戰。悉
保所俘而還。由是進秩三等昂邦章京。尋擢內
大臣。六年八月。

太宗親統大師圍松山城。城內兵竄赴塔山。圖爾格邀
擊之。斬馘甚衆。明總兵官曹變蛟撤乳峯山兵。

棄寨夜遁。衝鑲黃正黃兩旗汛地。俱爲我兵擊却。其半突犯。

御營時守

御營右翼大臣及侍衛等俱未至。軍中大驚。圖爾格發矢連殪二人。復併力射退敵軍。七年十月。偕多羅饒餘貝勒阿巴泰。證明由北京至山東。破敵三十九次。下九十四城。殺魯王及樂陵陽信東原安邱滋陽諸王。戮明宗室近千人。俘獲人三十六萬九千有奇。牲畜五十五萬有奇。金銀皮幣珍物無算。八年十月。錄勲進三等公。圖爾格

忠勇有父風。才畧過人。

太宗屢加擢用。寄以文武重任。遇事畢慮殫心。勤勞勿懈。効力行間。則奮勇血戰。深入敵境。拔城最多。俘獲甚衆。所建勲伐。稱偉異焉。順治二年二月卒。年五十。

世祖章皇帝嘉其績。九年。追諡忠義公。配享

太廟。復建碑以旌之。康熙三十七年。

聖祖仁皇帝謁

陵至盛京。遣皇子奠其墓。圖爾格子二人。長吳爾格。崇德二年。從征皮島。率舟師渡海先入。後無應援。

八旗通志 卷一百四十二
遂力戰而亡。尋以皮島可比大城。議又以吳爾格係大臣子。恤贈牛条章京世職。次子科布梭。初任三等昂邦章京世職。從征土謝圖汗。及大同叛鎮姜瓖。俱有功。後緣事革職。順治八年。復襲其父三等公。九年遇

恩詔。進至二等公。復坐事奪爵。以圖爾格第十六弟。遇必隆承襲。

宜爾登。弘毅公額亦都巴圖魯第十子也。幼時太祖高皇帝撫之宮中。及長爲侍衛。屢隨征討。征烏喇時。身被挺鎗矢傷各一。天命元年九月。八旗初

設十六札爾固齊。備屯戍。決訟讞。每旗二員。以宜爾登管鑲白旗。未幾。駐防南口。於鄭子套獲漢人船四隻。生擒七人。斬百餘人。五年。陞任鑲白旗固山額真。六年十月。捕獲亡者三十三人。又招降敵兵一百二十三人。並治城有功。議敘頭等。

賜蟒衣一件。八年。以從征軍功。授世職爲遊擊。又以審鞫圖沙杜賴罪明允。加世職爲三等副將。又同冷格里達音布。於達岱蘇巴爾漢。擊敗敵軍。天聰三年。從征明。進關時。同貝勒率護軍敗敵。斬

其將。又敗明經畧袁崇煥兵。

太宗文皇帝嘉其功。加世職爲一等副將。是年。又同貝勒阿濟格。固山額真阿山。率兵由巴顏朱爾格入龍門。合兵於宣府。攻大同城。十年。以罪罷職。並革去一等梅勒章京世職。崇德三年。復任纛章京。四年。任內大臣兼議政大臣。從大兵征明都城。率兵畧地。遇敵兵千人。率三十人擊敗之。獲馬三十匹。哨兵報明總兵官祖大壽及高太監。以兵二千來犯我軍。乃以阿里哈超哈設伏。率四十人往誘敵軍。直至我伏兵處。逆擊敗之。

六年。同鄭親王濟爾哈朗。率兵圍錦州。明經畧洪承疇。以兵十三萬來援。濟爾哈朗誤調右翼兵據山以保。兩紅旗與鑲藍旗兵。又皆失機。阿里哈超哈葉臣。皆斂兵不進。獨四旗擺牙喇兵。蒙古敖汗兵。與宜爾登所領侍衛等獨戰。宜爾登身入敵圍。奮力以戰。身被三傷。所乘御廐馬。中十八傷死。又換馬入敵。馬中八傷死。又換馬。馬又中五傷死。凡四敗敵軍。

太宗嘉其勇。復給與三等梅勒章京世職。銀四百兩。又同超等公塔瞻。率八旗甲喇章京各一員。每旗

精兵五十名。於高橋設伏。方出營。卽遇明杏山馬步兵千餘。爲我噶布什賢兵擊敗。追殺。卽同塔瞻率兵接戰。將明馬兵八十。步兵六百。盡斬之。賞銀二百兩。順治元年。

定鼎燕京。論諸將功。加宜爾登世職。爲一等梅勒章京。七年九年。三次。

恩詔。加至二等伯。世襲罔替。十三年。以年老乞休。原官致仕。

世祖章皇帝特諭。宜爾登。係効力老臣。若由太和門行走。路途遙遠。令由上駟院行走。每至必奏聞。朕萬幾

之暇。卽行召見。令上駟院大人。傳知茶飯房。給與茶飯。著上駟院大人。費揚古。塔達等。記於檔案。又圖其像。二。一貯之內庫。一與其家。康熙二年。以疾卒。詔贈卹如典禮。遣內大臣侍衛等。賜茶奠酒。發引日。遣諸王及三旗大人往送。謚忠直。遣大臣致祭。三。次。六年。建碑墓道。以旌其功。三十七年。

聖祖仁皇帝謁

陵至盛京。特遣大臣致奠墓次。

敖德。弘毅。公額亦都。巴圖魯第十一子。幼隨

太祖高皇帝。効力戎行。天命十年。授爲備禦。管理牛彖

事。

太宗文皇帝時。授甲喇章京。旋遷戶部叅政。崇德元年。從大兵平定朝鮮。至套山村。擊敗朝鮮兵。五年。從征明。圍錦州。同巴山喀喀木。敗明松山兵。順治元年。從睿王入山海關。擊敗流賊。追至慶都縣。又敗之。以功授牛叅章京。世職。七年九年。遇赦。三次。

恩詔。加至二等阿達哈哈番。

瓦岱。戶部叅政敖德第二子也。

世祖章皇帝時。任侍衛。順治十五年。以署護軍叅領。從

征雲南。康熙三年。大兵征湖廣茅麓山流寇餘黨。瓦岱以護軍叅領。署夸蘭大從征。並有功。十三年。從定遠平寇大將軍和碩安親王岳樂。往討逆藩吳三桂耿精忠。以護軍叅領。署護軍統領。十四年。三月至江西。與耿逆兵戰於撫州府鍾家嶺。面頰被重傷。耿逆賊兵乘夜復來犯。瓦岱居頭隊。率本翼兵力戰敗之。僞都督易天錫。僞定北將軍張三。僞總兵官米毛柱等。領眾分三路來援撫州。瓦岱復居頭隊敗之。賊眾棄營逃。僞總兵官吳一典等。領眾一萬五千餘人。於

瑞州地方拒戰。瓦岱居二隊。率本翼兵進擊。賊渠僞左總兵官孫國棟。領眾二萬人。列陣於瑞州府北山。瓦岱仍以第二隊進擊。並敗之。四月。從安親王岳樂。攻東鄉縣。降僞副將林徵。僞中軍遊擊蔡隆。僞都司僉書陳逢威等。僞官五十六人。十一營。士卒一萬一千人。五月。耿逆僞兵部侍郎邵連登。僞都督吳雲。領眾八萬人。水陸並進。立三十一營。列陣於建昌府長興地方。瓦岱仍居頭隊。從定南將軍希爾根進擊敗之。是日凡五戰。及攻賊諸營。皆居頭隊。至新城縣。立

雲梯攻城。仍居頭隊。攻克其城。十五年二月。僞將軍夏國相。李良棟等。領眾一萬三千。據萍鄉縣。來龍山高處。結寨列陣以拒。瓦岱隨定遠平寇大將軍安親王岳樂進剿。仍居頭隊。率本翼兵擊敗其眾。十一月。至湖廣長沙府。吳逆賊眾列陣於城外南橋以拒。瓦岱居兩脇。率本翼兵奮擊進戰。逼賊抵山崖。遇大雨乃還。被傷一處。僞總兵官高易升據齊家峒。瓦岱以頭隊率兵敗之。遇僞總兵官朱永生等眾千餘。仍居頭隊。進擊敗之。十八年八月。隨安親王岳樂自寶慶

入旗通志 卷一百四十二
進。吳逆僞帥吳國貴遣僞總兵官領衆千餘。據紫陽河對岸立營。奮擊敗之。旋擊賊於武岡州。之雙井鋪。鏖戰三日夜。瓦岱扞衛火礮。擊敗賊衆。又追擊雙井鋪潰遁賊衆。至穆國橋地方。並頭隊。吳逆僞帥吳國貴中礮死。遂復武岡州城。十九年旋師回京。共經二十九戰。吏兵二部議功。授拖沙喇哈番。由護軍叅領。陞護軍統領。旋遷江寧將軍。

聖祖仁皇帝南巡時。以其居官清廉。

賜孔雀翎。併銀一千兩。二十四年。由江寧將軍陞都統。任議政大臣。二十七年。湖廣裁革兵丁。夏逢龍等聚衆據武昌漢陽等處以叛。

聖祖特授瓦岱爲揚威將軍往剿。以都統侯巴渾代江寧將軍博濟。叅贊馳驛至江寧。率駐防兵趨湖廣。甫至黃州。僞總兵官趙得獻府城以降。僞總兵官胡約謙等獻武昌漢陽二府城以降。黃州生員捕得賊渠夏逢龍以獻。誅之。併誅其黨胡約謙等八人。安撫地方回京。三十年。

聖祖復命爲安北將軍。往追噶爾丹。至圖拉地方。賊遁無踪。降克魯倫河。喀爾喀。西穆圖。哈談巴圖魯。

那穆占。託準等。回京。後緣事革職。

超哈爾。弘毅公額亦都巴圖魯第十三子。少隨

太祖高皇帝征討。至天命六年。以父功兼本身勞績。授

備禦。免死罪一次。兼管牛叅章京。天聰八年。授

牛叅章京世職。九年。同諾海。鄂莫克圖等八大

臣。率每牛叅擺牙喇一名。往畧明長城。喜峰。潘

家。董家等口。十一月。師旋。擊明沿邊戍卒。斬首

百餘人。獲馬五匹。生擒一人。陞為燾章京。崇德

三年九月。從征明北京。未入關時。遇明哨兵。追

擊至關。生擒蒙古二人。獲馬四匹。至北京城北。

奪取敵人紅衣礮。遇敵兵百餘人。率擺牙喇擊

敗之。至蘆溝橋。遇敵步兵。仍擊敗之。授為議政

大臣。

太宗文皇帝特諭云。今特簡用爾為議政大臣者。因爾

一心為主。盡力効忠故耳。凡國家要務。必抒誠辦理。

是年。從岳託貝勒征明。過北京至山東。遇馮太

監兵擊敗之。攻取任邱縣。毀其城。取之。大兵至

趙北口河涯。會河間府明步兵千餘。壞其橋。我

兵不得渡。隨率兵自河西乘馬襲敵。後擊敗之。

又遇郝總兵所領兵。仍擊敗之。大兵出關時。殿

後。至太平寨。指揮馬步兵大敗敵人。捷音

上聞。以燾章京兼禮部叅政。五年。轉兵部叅政。七年。從

圍錦州。遇城內兵出戰。於郭內首先奮擊。遂歿

於陣。年四十一歲。

太宗聞之。甚傷悼。諭曰。朕本欲用超哈爾為一等大臣。

不意今已戰亡。遣大臣迎其靈櫬進城。加世職為二

等甲喇章京。令其長子格黑里承襲。復

賜葬銀五百兩。遣官讀文致祭。順治十二年十月。

世祖章皇帝念超哈爾忠直贊勳。勤勞王事。歿於軍旅。

特加恩卹。諡為果壯。追贈一品。勒碑墓前。以昭殊勳焉。

格黑里襲父世職。加至一等。次子額黑里。以順

治三年襲兄格黑里。一等甲喇章京。六年。從征

湖廣。擊荊州府流賊一隻虎。敗之。復自荊州府

追偽郭侯兵。同博爾惠擊敗其眾。七年。九年。三

遇

恩詔。加世職為二等阿思哈尼哈番。十一年。從征福建。

海寇偽賀總兵率賊千餘。拆橋立陣拒敵。額黑

里同固山額真金礪等。指揮官兵擊敗之。又海

岸有賊三千餘。復擊敗之。用紅衣礮攻海澄縣

東土城墻。賊首鄭成功。率十萬餘賊來奪我礮

同金礪等指揮官兵連擊却之。招撫二縣一百五十三寨。二總兵。一副將。賊兵七千餘。十二年敘功。加世職為一等阿思哈尼哈番。是年任兵部侍郎。十七年降調。復累遷至工部尚書。康熙十年四月卒。子英素襲職。減去

恩詔所加。襲三等阿思哈尼哈番。二十九年從大兵征厄魯特噶爾丹。由西路進兵。奮勇擊寇。以功加一拖沙喇哈番。遂授為二等阿思哈尼哈番。仕至護軍叅領。郎保。英素之孫。康熙三十六年。英素病故。削去。

恩詔所加。郎保。因襲三等阿思哈尼哈番。後任蘇喇章京。雍正七年。隨靖邊大將軍公傅爾丹。由北路進剿準噶爾。九年六月。與賊遇於和通胡爾漢諾爾地方。郎保力戰陣亡。賜祭葬如典禮。立碑墓道。贈拖沙喇哈番。

索渾。弘毅公額亦都第十五子。初任噶布什賢章京。以從征察哈爾松山錦州等處軍功。授牛彖章京世職。官至議政大臣。

遏必隆。弘毅公額亦都第十六子。和碩公主所出也。天聰六年。襲父一等總兵官世職。任頭等

侍衛。緣事革去世職。崇德六年。以衣都額真從
太宗文皇帝征明至松山。明經畧洪承疇。統兵十三萬
來援。夜犯。御營。遏必隆守後營門壘。率家人力射退敵。次日驗

箭。遏必隆射殺十餘人。太宗深加褒獎。謂巴圖魯之子。仍巴圖魯也。

賜盛甲馬匹。後復緣事革職。八年。以阿里哈超哈從征

明至山東。攻夏津縣。以第三人登城。克之。敘功
授牛彖章京。世職。順治二年十一月。從貝勒勒
克德渾征湖廣。攻鐵門。先衆力戰。取其門。敘功

爲頭等。授二等甲喇章京。世職。八年。襲兄圖爾
格。二等公。兼本身世職。陞爲一等公。十四年。擢
爲管鑾儀衛內大臣。旋加少保。兼太子太保。至
十八年。受

顧命。與蘇克薩哈。索尼。鰲拜。同爲輔政大臣。康熙六年。
加太師。戴雙眼翎。

特賜一等公爵。世襲罔替。將本身原襲一等公。與子法
喀承襲。七年。因病奏請罷輔政。

聖祖仁皇帝不允所請。八年。復奏請。始罷輔政。九年五
月。緣鰲拜亂政。緘默不言。議處甚重。

八旗通志 卷一百四十二
聖祖念其無結黨之事。止革去太師銜。並將後
賜之一等公革去。尋奉

旨。復賜一等公品級。十二年十二月。以疾卒。當疾篤時。
聖祖躬臨慰問。又時遣內侍視問。及卒。遣內大臣侍衛
等致奠茶酒。賜鞍馬及全葬銀。發引之日。遣大
臣侍衛等往送。追諡恪僖。十四年五月。奉

勅立碑墓道。稱其賦性敬慎。制行端方。襲顯爵於髫年。
膺禁近之職守。愨誠報國。常存匪懈之心。寅亮爲懷。
允勵靖共之節。克襄王事。著有勤勞云。十六年冬。

聖祖念其爲

孝昭皇后之父。

特旨令其家立廟祀之。十七年十二月廟成。

聖祖御製碑文賜之云。孝昭皇后壺德攸宣。倫情肫篤。

念父母鞠育之勤。思祠宇春秋之祀。朕嘉其意。遣官

督理。後二月皇后已崩。十七年十二月。工作告成。因

諭內閣詳考明代實錄。允符典例。特賜碑文。勒諸貞

石。粵稽往代。臨御萬邦。必敦九族。宮闈化洽。內輔維

賢。眷祐之隆。宜崇曠典。以篤椒親。道至備也。孝昭皇

后仁孝性成。溫恭德著。久存岵岵之思。每深霜露之

感。爾一等公。過必隆。同妻縣主。敬慎齊家。洽謙冲之

八旗通志 卷一百四十二 名臣列傳二 三 初集

八旗通志 卷一百四十二
令望。肅雍秉訓。誕淑慎之坤儀。是當錫以丹堊。享以蘋蘩。爰命冬官。董其興作。事方行乎二月。哀忽動於六宮。未遂之志。朕甚悼焉。念爾勲戚大臣。兼核歷朝典則。落成之日。用錫豐碑。昭國家不忘故舊之恩。示皇后永懷顧復之念。光流泉壤。堪為戚屬之羽儀。名列丹青。不愧綸言之獎賚。凡爾子孫。克保無斁。欽哉。
念。又四十四年。懋思風。平春。志。之。孤。知。其。意。以。官。
聖祖復御書策名金石匾額。賜其家廟。以光寵之。子七
替台人。殷德有傳。見諡法名臣。二民。圖。如。

八旗通志初集卷之一百四十三
名臣列傳三

鑲黃旗滿洲世職大臣三

佟養正

佟圖賴

佟國綱

雅希禪扎爾固齊

伯父黑東額扎爾固齊
父倪馬禪 弟溫都禮

子襲袞

內爾特

弟拉都渾

吳善

父噶蓋扎爾固齊

卜善

子誇渣

顧爾布錫額駙

鄂齊爾

弟松江
叔父達賴

伊勒慎

子朗圖

納爾察

胡沙

吳沙

覺羅拜三

覺羅顧納岱

覺羅莫洛宏

八旗通志	卷一百四十三	名臣列傳三	二	初集
------	--------	-------	---	----

太祖高皇帝嘉之。六年。從征遼陽。以功授遊擊世職。奉

命駐守朝鮮界之鎮江城。是年秋七月。城守中軍陳良

策與居民潛通於明將毛文龍。令別堡之民詐

本稱兵至。大呼噪。城中驚擾。良策乘亂執養正。殺

其子豐年。併從者六十人。叛投文龍。養正抗節

不屈。遂被害。雍正元年。

太祖高皇帝嘉之。六年。從征遼陽。以功授遊擊世職。奉

命駐守朝鮮界之鎮江城。是年秋七月。城守中軍陳良

策與居民潛通於明將毛文龍。令別堡之民詐

本稱兵至。大呼噪。城中驚擾。良策乘亂執養正。殺

其子豐年。併從者六十人。叛投文龍。養正抗節

八旗通志 卷一百四十三
二
詔追贈光祿大夫一等公。又加贈太師。諡忠烈。崇祀昭忠祠。初養正以其祖流寓明撫順地方。比歸本朝。遂與諸漢人歸命者。同隸漢軍旗分。康熙二十七年。養正孫國綱時已因請令隸漢軍旗分。孝康皇太后推恩自出。追封養正子定南將軍圖賴爲一等公。以國綱承襲公爵。任內大臣。稱爲國舅。上疏陳

奏言臣家本係滿洲。緣臣高祖達爾哈齊貿易故明邊境。明人誘入開原。比東。太祖高皇帝遣使入明。臣叔祖養性備述家世。求使臣

代

奏。卽蒙

太祖恩諭。朕福金係佟佳氏塔本巴顏之女。爾佟姓兄弟分散入漢之故。朕知之久矣。未幾大兵克取撫順。將臣族人居於佛阿拉地方。不加差役。臣叔祖養性得尚宗女。

賜號詩武里額駙。令與佟佳氏之巴都里孟阿圖諸大臣考訂支派。敘爲兄弟。臣家族籍旣明。懇祈

睿鑒。改隸滿洲。得

旨該部議奏。本月十一日。戶部覆奏言舅舅佟國綱等

八旗通志 卷一百四十三
查漢軍鑲黃旗舅舅國綱佐領。及伊族人在漢軍正藍旗之十二佐領。在鑲紅旗三佐領。共壯丁八千四百三十一名。內現任文武官一百八十六員。候補官并監生一百九十五員。若將伊等俱歸併滿洲旗分。則漢軍旗下壯丁缺少。應將舅舅國綱等。仍留於漢軍旗下。現今滿洲有員。仍留現任。照例陞轉。其編審冊內。俱開爲滿洲可也。

詔從所議。後

三朝國史開館。纂修

聖祖仁皇帝欽定滿洲功臣一百一十五人。養正子佟圖賴。與正白旗二等伯石廷柱並與焉。廷柱亦本籍滿洲。因先曾仕明。而編入漢軍旗分者也。佟圖賴一名盛年。贈太師。佟養正季子也。初襲父遊擊世職。天聰五年。從

太宗文皇帝征大凌河。擊明兵。備道張春援兵。首先陷陣。以功加世職。爲二等參將。崇德三年。授兵部右參政。五年。從睿王多爾袞。證明圍錦州。率四

八旗通志 卷一百四十三
旗紅衣礮取白官兒屯臺。六年。從鄭親王濟爾哈朗圍錦州。取金塔口三臺。七年。圍錦州。有松山騎兵來奪我紅衣礮。率本旗兵擊敗之。又敗山口步兵。攻克塔山杏山附近諸臺。併克二城。論功。加授一等甲喇章京。世職。陞任本部承政。兼固山額真。八年。同大兵取前屯衛中後所二城。加世職半箇前程。順治元年六月。同固山額真巴哈納。石廷柱。招降山東四府七州三十二縣。時有故明三河令。據德州。自稱濟王。鑄印起兵。不納我。

朝新置州牧。圖賴以兵擒之。送至京師。七月。攻太原府。方周視形勢。城中步兵突出。擊敗之。指揮紅衣礮進攻。遂下太原。招降九府二十七州一百四十一縣。二年。從定國大將軍豫親王多鐸南征。同墨爾根侍衛李國翰。毀流賊柵於黃河岸上。併敗其後營。獲船十五隻。平定河南。五月。至江南。故明高太監舟師。由揚子江順流而下。圖賴同固山額真吳守進等擊之。獲船三十二隻。又以紅衣礮攻揚州府嘉興府等城。皆克之。加世職爲二等阿思哈尼哈番。五年。授定南將。

軍率左翼兵駐防寶慶。時寶慶已為賊陷。冬十月。進兵恢復之。捷聞。下所司議敘。六年。鄭親王濟爾哈朗為定遠大將軍征湖廣。圖賴分兵趨衡州。距城三十里。遇賊兵千人屯橋上。擊敗之。又破偽總兵陶養用於石橋門。斬養用。偽伯胡一清列七營於城南山。率兵進擊破之。又擊偽副將於望公嶺山峪口。連破之。一清復率眾萬人。距廣西全州三十里。立六營。又擊破之。遂下全州。十二月。還駐衡州。賊攻常寧縣。遣牛榮章京陳天謨等。破之於石鼓洞。斬偽總兵副將二

人。圖賴生長行間。熟諳兵法。與士卒同甘苦。故所向克敵。身經百戰。體遍創痕。七年。九年。疊奉恩詔。累加世職。至三等精奇尼哈番。世襲罔替。十三年。以疾乞休。

世祖章皇帝念其勞績素著。命加太子太保解任。十五年卒。年五十三歲。

予祭葬。諡勤襄。康熙元年。

聖祖仁皇帝即位。覃恩贈少保兼太子太保。十六年。以

圖賴係

孝康皇太后之父。

特封一等公。世襲罔替。雍正元年。

誥贈太師。二年七月。

勅建專祠。春秋祭祀。

御書祠額曰。功宗元祀。又書聯句懸於堂柱。以其子國綱。國維。耐食。國維見諡法名臣傳。

佟國綱。一等公。佟圖賴長子。初任一等待衛。康熙元年。襲父三等精奇尼哈番世職。十六年。因孝康皇太后推恩。伊父佟圖賴追封一等公。以國綱承襲。旋任內大臣兼漢軍都統。十三年。逆藩吳三桂耿精忠反。海內騷動。十四年三月。察哈爾布

爾尼亦率眾作亂。於是調入山西內地之蒙古。亦有叛逃出口者。四月。駐防山西叅領舒什蘭疏報。言奉調宣府左翼四旗察哈爾鎮大同。今其眾譁毀邊牆私遁。

聖祖仁皇帝因命散秩大臣綽爾濟。杜爾麻等率八旗章京侍衛。賫勅往撫。綽爾濟等旋疏報。臣等至張家口。詢關吏據云。是月二十七日。察哈爾兵至鄂西奚地方。將

御馬廠并諸大臣牧馬人役。附近旗下蒙古婦女。牲口盡行掠去。及臣等至齊澇地方。遣一等侍

衛阿南等前進。遇察哈爾被脅四人。遂擒以歸。其言亦如之。臣等欲竟將

勅諭送往。恐此輩無知。止將

詔旨大畧錄寫。卽令擒來二人齎送。尋奉

聖祖特諭。察哈爾兵如此狂悖。應發兵防禦。其授內大臣。舅舅佟國綱爲安北將軍。率兵往鎮宣府。令護軍統領傑殷。副都統恰塔偕往。以散秩大臣綽爾濟。杜爾麻爲署都統。並預叅贊。國綱旣至山西。宣布

聖諭。整飭邊防。人心帖然。恃以爲安。而是月撫遠大將軍信郡王鄂札等。已擊破布爾尼。平定察哈爾

地方。

朝廷又遣一等待衛奇塔特。招撫叛逃察哈爾蒙古。邊事寧謐。五月。奉

旨以署副都統吳丹。用建威將軍印鎮守太原。

命國綱還京師。二十九年。厄魯特噶爾丹蠢動。七月。

聖祖命裕親王福全爲撫遠大將軍。率師往討。國綱與

弟國維。並以內大臣同行。叅贊軍務。兵至烏闌

布通。遙見賊兵據樹林內。臥駱駝爲陣。國綱率

火器營官兵奮勇進擊。直逼賊陣。賊兵有伏於

駱駝後者。潛以烏鎗擊中國綱。遂歿於陣。我左

翼兵從山腰捲入。大破賊兵。事平議卹。部臣以國綱身任一等公。無可加贈。

聖祖特旨。令仍別給世職。遂議加給拜他喇布勒哈番。又一拖沙喇哈番。以其第三子夸岱襲。

賜祭四壇。立碑墓道。諡曰忠勇。

聖祖御製碑文以賜。文曰。朕惟自昔勲舊之臣。乃心王室。平居恪勤職事。左右宣勞。一旦奉揚威命。而忠不辭難。勇不避險。鴻名駿烈。焜耀無窮。史冊所書。良足嘉歎。爾佟國綱。賦性貞純。秉心淵塞。親居元舅。而敬以持躬。位列上公。而謙能服物。入則虔恭宿衛。出則

筦領禁軍。偉量夙重於巖廊。令聞允孚於寮案。廼者小醜構爭。近逼邊圉。三軍聲討。簡佐元戎。爾乃慷慨厲兵。赴桓敵愾。屬賊鋒之旣挫。將棄壘以潛奔。爾猶擐甲直前。提戈獨進。銳志彌堅。金石壯氣逾薄。虹霓誓掃陸梁。永清朔漠。豈期上將。遽殞師中。夫爾以肺腑之親。心膂之寄。秩崇望峻。勞久勲高。假令偕衆旋軍。亦可從容奏凱。而爾義存奮激。甘蹈艱危。人盡如是。寇奚足殄。易曰。君子以致命遂志。傳曰。殺敵爲果。致果爲毅。惟忠生勇。爾實兼之。循行易名。洵無愧矣。於戲。典禮加隆。榮哀悉備。英風震於邊徼。勁節炳若

丹靑九原有知。應無遺憾。惟朕倦思懿戚。篤念老成。身後追褒。久而滋痛。特命所司。勒文墓石。昭朕無已之懷。亦俾後之人。知所激勸焉。子三人。鄂倫岱。襲公軍亦爵。仕至內大臣。緣事正法。次法海。夸岱。並仕至尚書。夸岱之子納穆圖。襲公爵。現任散秩大臣。鑲黃旗漢軍都統。雍正元年。

世宗憲皇帝推恩。勅立家廟。加贈國綱太傅。旋崇祀昭

忠祠。

雅希禪。扎爾固齊。滿洲鑲黃旗人。世居馬佳地方。以地爲姓。其伯父黑東額。率同村五十五人。

於

國初來歸。

太祖高皇帝嘉其首先慕義。授一等副將世職。所在宣

力。屢立戰功。擢置於扎爾固齊之列。天命年間

卒。弟倪馬禪。卽雅希禪父也。初襲兄世職。緣事

革去。尋以從征界凡。商堅哈達。遼東諸處。並有

功。復授備禦世職。尋卒。倪馬禪二子。雅希禪居

長。因自立功績。已有世職。以其弟温都禮襲父

世職。天聰七年。温都禮從征錦州有功。加半箇

前程。雅希禪生而英勇。屢從征伐。初以功授備

禦世職。尋繼其伯父進十扎爾固齊之列。從征界凡。超眾先進。征商堅哈達。衝入敵陣。破敵大營。加世職為二等叅將。天命六年。從征遼陽有功。加世職為三等副將。雅希禪所至先登陷陣。從征沙嶺時。率本旗兵先進受傷。八年。從征扎魯特昂安貝勒。同達音布當先破敵。緣事降世職為一等叅將。年五十一歲卒。順治十二年。

世祖章皇帝追念開國功臣。以雅希禪列在二十四大臣。

賜諡敏果。祭葬如典禮。立碑墓道。子三人。長龔袞。初龔

父一等叅將世職。緣事降去一備禦。崇德四年。從征撒哈連烏喇。擊其將說臣兵。力戰陣亡。以其弟拉都渾分襲牛朶章京世職。

內爾特雅希禪次子也。初分襲兄龔袞。備禦世職。天聰五年。從征明攻錦州。有明兵駐扎小凌河口。內爾特同侍衛擊敗其眾。直抵錦州城下。六年。從大兵征察哈爾。由大同入明邊。破小石城。率善射者攻克之。又隨鄭親王濟爾哈朗。往畧明邊地。斬其放牧兵。崇德五年。從大兵圍錦州。擊敗杏山兵。七年六月。補刑部叅政。復從大

八旗通志 卷一百四十三
兵圍錦州。擊松山馬步兵。敗之。又以步戰擊敗
鎗柵步兵營。七月。兼管梅勒章京。時左右翼兩
路兵會擊明松山馬兵。松山兵夜遁。內爾特同
鰲拜巴圖魯赴塔山南海岸。先敵而至。夜擊明
兵。各戰至天明。敵兵據立山上。內爾特奮擊敗
之。追迫溺水者無算。八年。從奉命大將軍阿巴
泰征明。入邊之日。擊敗明馬總兵。軍至渾河。造
橋以渡。明范軍門率馬步一千餘來拒。內爾特
率本固山兵敗之。旋聞三河縣有敵兵。卽往追
擊。敵兵遁走。隨大兵至山東。攻武定州。指揮所

部兵攻克其城。師還至邊口。聞我兵看守紅衣
礮人。被敵所傷。卽同準塔往援。擊敵步兵二營。
俱敗之。又擊明吳總兵馬步軍。力戰陣亡。年三
十八歲。十月。追敘前功。加世職爲三等甲喇章
京。弟拉都渾。早歲卽從父兄征戰。天聰八年。隨
大兵征明大同。出左衛邊口。同圖魯什碩翁科
洛巴圖魯擊敗敵兵。生擒一人。又同圖魯什碩
翁科洛巴圖魯。吳拜往捉生。擒一人。又斬一人。
尋以吳納錦雅布蘭二人不相應援。奪二人俘
獲人口。

賜拉都渾。九年。大兵往收察哈爾遺民。拉都渾追敵哨卒。生擒一人。崇德元年。隨英親王阿濟格征明。遣往看山海關形勢。卽於中前所埋伏。當先擊敵。生擒敵執纛一人。敵兵來襲我兵後。同席特庫擊敗之。追錦州敵哨。斬一人。又於中後所同努山前往巡哨。生擒一人。五年。大兵圍錦州。拉都渾隨左翼兵進擊。先衆衝入。是年襲其兄龔哀之牛朶章京世職。六年。圍錦州。同吳拜往捉生。遇蒙古步兵十六人。斬其二人。力戰而歿。六年。議卹。加贈半箇前程。

吳善。滿洲鑲黃旗人。父名噶蓋。

太祖高皇帝朝。在扎爾固齊之列。初奉諭招降趙佳城之寧古秦章京有功。癸巳年。同額亦都巴圖魯。碩翁科。洛巴圖魯三人。督兵千人。圍訥殷佛多和寨。攻擊三月。下之。斬其渠帥。搜穩塞克什。戊戌年。

太祖復命同褚燕台吉。巴雅喇台吉。費英東。扎爾固齊。統兵一千。征安褚拉庫路。星馳而往。取屯寨二十餘所。將所屬人民。盡招徠之。己亥年。哈達國孟格布祿貝勒。與葉赫國納林布祿貝勒。構兵。

孟格布祿力不能敵。來乞援。林亦派兵。助哈達駐防其地。事平。班師。奉命。星馳而往。奉命。事竣。值

太祖命厄爾德尼巴克什。仿蒙古文編作滿洲文。事竣。值哈達孟格布祿貝勒謀逆事覺。以噶蓋扎爾固齊。向與孟格布祿交厚。牽連正法。吳善其長子也。時任副將世職。天命九年。明總兵毛文龍渡朝鮮義州城西鴨綠江。入島屯田。太祖命吳善同梅勒額真楞額禮。引兵一千襲之。途中獲間諜。告以明兵晝則渡江。入島收穫。夜則收

兵渡江。宿義州江岸。吳善乘夜進兵。由山僻處潛行。平旦。度明兵已渡江。縱兵疾馳。明偵者未及。聲礮舉烽燧。我兵已渡鎮江支流。突至其島。明將士大驚。悉潰走。吳善等登陸地追逐。斬五百餘級。其餘爭舟墮水。盡溺而死。我兵盡焚島中之糧而回。

太宗文皇帝嗣位。置十六大臣理事。吳善與焉。崇德元年。

太宗特命馬福塔等。送參至朝鮮義州。償還交易貨物。路獲明哨卒問之。云有遊擊四員。率兵二千。入

謙場馬福塔等即率百人往躡其後仍一面入

奏聞

太宗即命吳善同季思哈率每旗章京二員兵五百名

星夜馳往謙場助之大破明兵三年七月擢工

部右叅政九月從睿親王多爾袞征明錦州大

同等處有功陞本部承政緣事革職孫瓦爾達

仕至副都統

卜善吳善之弟早隨父兄在戎行著有勞績崇

德五年六年並從征明錦州松山八年攻中後

所等處並在事有功授牛录章京世職累任至

燾章京以疾卒子誇渣襲職誇渣以本身軍功

及遇三次

恩詔加至一等阿達哈哈番官至都統

顧爾布錫額駙滿洲鑲黃旗人姓博爾濟吉特

氏世居薩喇木藍地方原係蒙古喀爾喀貝子

太祖高皇帝時率所屬六百戶先衆來歸尚和碩公主

授三等總兵官世職崇德六年從征錦州敗敵

於寧遠順治元年從大兵入山海關擊流賊俱

有功加世職爲二等昂邦章京遇

恩詔加爲一等精奇尼哈番仕至兵部尚書十八年正

月卒。年六十五歲。子四人。

鄂齊爾。顧爾布錫額駙長子也。初任牛录章京。世職。從大兵南征。渡黃河。克淮安。論功加一拖沙喇哈番。緣事革去所加。尋遇

恩詔。由所襲世職。加爲三等阿達哈哈番。仕至梅勒章京。鄂齊爾第四弟松江。以七品廕生。從征逆藩。吳三桂有功。授拖沙喇哈番世職。鄂齊爾有叔父曰達賴者。顧爾布錫額駙親弟也。初同兄率所屬來歸。因授備禦世職。崇德五年。從大兵征明。攻錦州。擊寧遠木城兵。以步戰直入其陣。論

功。陞世職爲三等甲喇章京。伊勒慎。滿洲鑲黃旗人。姓費莫氏。世居薩齊庫地方。初烏喇兵來攻薩齊庫。盡降其衆。伊勒慎獨率六戶來歸。於是族人悉爲烏喇所害。

太祖高皇帝戊申年。征烏喇。命伊勒慎之兄古蘇。招降浮城側睦忒黑人。烏喇復殺古蘇子弟六人。執其妻孥。

太祖念其家以歸誠被害。授伊勒慎備禦世職。尋從大兵。證明有功。加爲三等叅將。又以沙嶺戰功。加爲二等叅將。

太宗文皇帝命守海州。擊敗明兵二次。獲船十隻。殺五十餘人。擒送三十餘人。天聰七年。岳託貝勒令往截取敵人船隻。獲船二隻。殺十二人。擒六人。解至瀋陽。又往牛莊海州。獲船八隻。殺四十四人。擒三十一人。解至瀋陽。九月。從征旅順口。主兵二貝勒。委以船隻。不違指示。殺敵有功。加世職爲一等叅將。九年二月。伊勒慎赴海州河上遊哨。探見明人船二十二隻停泊。遂率所部兵乘六小船直入。斬擊五十三人。生擒十七人。獲船二十隻。及軍器等物。遂以捷聞。五月。明人自

錦州乘船入海。至遼河界娘娘宮對岸捕魚。伊勒慎在牛莊。駕小舟追獲之。殺三人。生擒五人。來獻。八月。駐防海州耀州。獲明漁船一隻。殺一人。生擒六人。崇德元年七月。駐守海州河口。聞明人捕魚船至。遂率甲士一百五十人。乘小舟自遼河而下。果遇三船。獲人三十二名。並緞疋等物以獻。

太宗以所獲賞同行將士。編其人爲民。九月。伊勒慎與同防守人烈列渾。寨薩。托克屯。薩爾布等奏言。臣等五人追敵。窺見娘娘宮渡口兩岸。皆有明

兵戰船橫截遼河。約有百餘艘。臣等船小兵寡。難以進擊。因此暫退。現在烈列渾步兵在海州河口立營。牛莊守將寨薩在河岸立營。靠桑阿地方臺軍家口。盡行撤回。令其男子執火礮器械。立於旁相援。高柳樹路口。則伊勒慎自領步兵。在彼立營。猶恐敵人牽誘我兵。或侵犯他處。遣薩爾布遷移鹽場居人。其近邊居民。亦令遷移。又恐敵船逆流而上。臣等復駕小船。潛伏海州河口防之。因執所獲一明人送至。後明兵因防守嚴密。亦不敢犯。八年六月。伊勒慎仍駐防

海州河口。獲敵船七隻。生擒二十三人。溺死者二十一人。敘功加世職。爲三等梅勒章京。任兵部叅政。緣事革職。旋復職。仍

命鎮守海州。順治二年卒。年七十九歲。子朗圖。初以分得撥什庫管牛彖事。崇德四年。隨征薩哈連烏喇。有敵兵來犯我營。朗圖力戰陣亡。五年議卹。贈牛彖章京世職。

納爾察。滿洲人。原隸鑲紅旗。改隸鑲黃旗。姓鈕祜祿氏。世居蘇克蘇泮河之安圖地方。

太祖高皇帝時。以軍功授備禦世職。累官梅勒章京。在

十六章京之列。戊申年。從征烏喇。攻伊罕阿林城。奮勇先登。取之。加世職爲遊擊。旋因攻沙嶺城。不待大兵。奮勇獨進。遂中傷。歿於陣。順治十三年。追諡開國功臣。

世祖章皇帝以納爾察宣力行間。著有勞績。衝冒鋒鏑。捐軀盡瘁。特追諡端壯。立碑墓道焉。

胡沙納爾察次子。初襲備禦世職。天聰六年。從大兵征明。至大同。遇敵騎四百。同圖魯什碩翁科洛巴圖魯敗之。抵崞縣。擊敗敵兵六十人。崇德三年。隨揚威大將軍貝勒岳託征明。同拜率

八人前往哨探。遇何副將騎兵三百。卽奮擊敗其衆。又隨左翼前鋒。擊北京馬兵五百。同羅什奮勇先進。明黃總兵領兵七百來戰。又率本固山前鋒進擊。並敗之。明高太監兵來拒。胡沙同畢力克圖先登陷陣。六年。隨大兵圍錦州。誘擊敵兵。率固山前鋒。追至錦州城柵門。又同前鋒章京八人。誘擊松山馬兵敗之。武英郡王阿濟格馳兵往攻松山。胡沙率鑲白旗阿里哈超哈及義州兵。追敵至杏山。殺其步兵三百餘人。時兩翼合兵進攻。左翼三固山。擊松山馬兵。胡沙

率本固山前鋒。亦敗其馬兵。又隨武英郡王至杏山河。有寧遠馬兵一千。來探我前哨。胡沙即同前鋒八章京。追入連山。殺三十人。獲馬三十匹。又隨往寧遠沙河所。有敵兵五十騎。犯我牧所。同前鋒八章京。追擊。併敗其援兵四百。又於捉生處。追敵哨騎。共生擒三十六人。殺六人。七年。議敘前功。由牛彖章京。世職。加半箇前程。尋從大兵往畧嶺口。同胡里布。率固山前鋒。在前。噶喇昂邦。率衆在後。遇一守備馬步兵二百。擊敗之。生擒把總二人。獲馬一百五十八

匹。人四十口。順治元年。隨睿王多爾袞入山海關。率本固山前鋒。同噶喇昂邦鄂碩。敗賊將唐通於一片石。又追流賊至安肅縣。殺賊甚衆。追至慶都縣。率固山前鋒。同噶喇昂邦席特庫。誘擊流賊。敗之。論功。加世職。爲三等甲喇章京。六月。隨固山額真葉臣。往平山西。至汾州府。率前鋒四十人。前行。遇賊白侯兵。擊敗之。至榆林渡口。有流賊馬步兵千餘。防守。胡沙同道喇。擊敗之。奪其渡。進至陝西綏德州。同席特庫。擊敗賊衆。又進至延安府。賊兵來犯。鑲黃正白二旗哨

騎亦同席特庫敗之。哈爾漢。俄班。二將戰歿。胡沙衝入賊陣。取其屍以還。又同圖爾塞率甲士五十人前行。遇流賊六百。卽迎擊之。賊衆披靡。隨大軍至湖廣承天府。率固山前鋒乘船以戰。擊賊船取之。流賊邵章以勇爲殿。胡沙率馬兵千人。追而敗之。東至九江口。同席特庫率前鋒二十人。前行捉生。擊敗流賊馬步千人。破其第二營。又敗賊於九公山。同蘇拜。希爾根。往覓賊踪。敗流賊馬步兵二千餘人。三年。從肅親王豪格征四川。至漢中府。擊敗流賊賀珍於楚河。又

同雅巴蘭。安泰。敗其馬步兵。又隨尚書覺羅巴哈納。燾章。京阿爾津。往擊賀珍馬步兵於山巔。流寇八大王張獻忠。親率賊兵迎敵。胡沙率本固山前鋒。隨大兵敗之。有賊馬步兵據立山巔。同達素。布葉希理。馳上敗其衆。又同達素。鄂莫克圖。巴圖魯。擊賊於山下。賊兵來援。卽同燾章。京德爾黑。迎擊之。衝至山上。大敗其衆。多羅貝勒尼堪。回兵時。有賊尾其後。胡沙同鄂莫克圖。巴圖魯。擊却之。又遇僞王叅將馬步兵來戰。復同鄂莫克圖。巴圖魯。胡里布。擊敗之。論功加世

職為二等甲喇章京。七年九年三遇。

恩詔。加至二等阿思哈尼哈番。尋緣事革去。一拖沙喇哈番。降為三等阿思哈尼哈番。累遷至蒙古都統。加一級。任議政大臣。康熙三年卒。

予祭葬如典禮。

吳沙。納爾察第三子。初任擺牙喇甲喇章京。順治元年。從大兵破流賊。二年。隨豫親王多鐸攻潼關。同乃格巴圖魯穆成格噶爾哈圖等。擊賊於山上。連敗之。隨大兵至江南。追偽福王至蕪湖縣。又同碩兌克高淳縣。俱有功。五年。從征南

大將軍譚泰。征江西叛鎮金聲桓。敗其馬步兵七萬。又有偽劉總兵馬步三千餘賊。來犯正黃旗濠塹。吳沙率本固山擺牙喇助擊敗之。金聲桓復率馬步萬餘。來犯正紅旗濠塹。吳沙同纛章京宜爾德擊敗之。賊渠王得仁。又率馬步七千餘。來犯本固山濠塹。仍擊敗之。同纛章京敦拜。往定袁州府。有賊兵一千五百餘。駐營山上。吳沙同梅勒章京吳喇禪。進擊敗其眾。七年敘功。授拖沙喇哈番世職。九年正月。

恩詔。加拜他喇布勒哈番。兼一拖沙喇哈番。十五年。委

署噶喇昂邦。從征福建海賊。進攻廈門。鄭成功
排列船六百餘隻於城堡。舉拒戰。吳沙率頭隊
前鋒奮擊敗之。奪船一隻。斬賊兵。進逼廈門。中
傷陣亡。康熙二年。議卹。加贈一等阿達哈哈番。
覺羅拜三。滿洲鑲黃旗人。

景祖翼皇帝第五弟之曾孫也。天命六年。從大兵征明
攻瀋陽。斬其驍將號禿尾狼者。敵兵自遼陽南
來戰。拜三奮勇進擊。又斬一副將。克遼東後。授
遊擊世職。天聰元年。從征錦州。攻城有功。又率
擺牙喇兵。往攻寧遠。有敵兵出城。來犯我哨卒。

拜三衝入敵陣。力戰而歿。八年。議卹。贈三等梅
勒章京世職。以子覺羅顧納岱承襲。

覺羅顧納岱。覺羅拜三子。天聰八年。襲父三等
梅勒章京世職。崇德三年。從征明。率本甲喇兵。
於山海關擊丁副將兵三千餘。敗之。直追抵豐
潤縣城濠。又擊敗侯總兵馮太監兵。往豐潤縣
附近取草。遇託特退塔納哈布爾沙海。爲敵所
敗。顧納岱從旁擊敗敵兵。整衆以歸。至山東攻
博平縣。克之。四年。論功。加世職爲一等梅勒章
京。順治元年。從睿王多爾袞入山海關。同尚書

八旗通志 卷一百四十三
鞏阿岱擊流賊馬步兵敗之。二年敘功。加半箇
前程。十月。從大兵破流賊。平定河南。於潼關埋
伏前鋒。擊流賊馬步兵。隨固山額真公圖賴進
戰有功。流賊夜犯我營二次。顧納岱並督我兵
敗之。二年。隨博洛貝勒往征浙江。同鄂碩追擊
楊偽軍門舟師。至平湖。獲船二十五隻。至嘉興
府。敵兵三千餘。水陸來戰。同固山額真韓岱擊
敗之。獲船三十三隻。又同固山額真韓岱恩格
圖敦對擊偽秦總兵軍連敗之。以紅衣礮攻嘉
興府。偽秦總兵率兵來戰。又擊敗之。又於蘇州

府王岡村敗敵兵。又同固山額真恩格圖馬喇
希以紅衣礮攻崑山縣克之。偽秦總兵軍於平
湖縣。統水陸兵駐劄。顧納岱同宜爾都奇偏俄
霸朗破其營。獲船十二隻。敗偽帥王相功舟師
於蕪湖。獲船三十一隻。大兵以紅衣礮攻江陰
縣。顧納岱於攻破處先登克之。三年敘功。加世
職爲三等昂邦章京。是年。隨豫親王多鐸征蘇
尼特。追騰機思。擊敗土謝圖汗兵。又擊敗碩羅
汗兵。五年。從征江西叛鎮金聲桓。至九江府。擊
偽吳軍門兵三千餘。敗之。隨征南大將軍譚泰

入於通志 卷一百四十三
攻南昌府中礮陣亡。尋議卹。加贈世職爲一等精奇尼哈番。

覺羅莫洛宏。覺羅顧納岱子。順治六年襲父一等精奇尼哈番世職。任事勤慎。康熙十七年。從安南將軍達素征福建海寇鄭成功。進攻廈門。奮勇力戰陣亡。加贈一拜他喇布勒哈番。

特旨授三等伯。諡剛勇。立碑墓道。文曰。稽古建業。驅策羣力。不吝爵賞。以勸有功。昭示後世。用傳不朽。所以勵忠。蓋甚備也。爾莫洛宏之祖拜三。征錦州奮力陣亡。爾父顧納岱襲職。攻南昌府。復以奮力陣亡。克勤王事。爾能勿替家聲。迨夫征福建時。爾禦敵衝鋒。捐軀報國。可謂世篤忠貞者矣。朕甚嘉焉。特命勒諸貞珉。以光泉壤。國典臣忠。庶昭垂毋斁云。

八旗通志初集卷之一百四十四

名臣列傳四

鑲黃旗滿洲世職大臣四

圖魯什碩翁科洛巴圖魯

巴世泰

巴山 子舒恕

布克沙 子貴復

覺羅色勒 子額爾德

喀喀木 父唐噶里

達素

莽伊圖

綽克託

劉之源

俄齊爾桑

圖魯什碩翁科洛巴圖魯滿洲鑲黃旗人姓伊爾根覺羅氏世居葉赫地方天命九年以備禦

世職管牛彖事有牧屯蒙古逃回火集格兒圖魯什追而擒之十年奉

命往海邊旅順口石山站哨探斬殺甚多併有俘獲授遊擊世職天聰三年

太宗文皇帝親統大兵征明十一月攻大安口城圖魯什先衆獨至城下視其可攻處敵兵覺遂來戰

圖魯什即與力戰克其城大兵由遵化往北京進發固山額真石廷柱為薊州兵所傷遣往埋

葬黃旗滿洲世職大百四

圖魯什碩翁科洛巴圖魯

世職管牛彖事

有牧屯蒙古逃回火集格兒圖魯什追而擒之十年奉

伏擊薊州兵。陣斬敵二十二。人獲馬二十五匹。十二月。大兵營於北京城西南隅。奉

命同副將阿山。往視環城敵兵。遇明經畧袁崇煥兵與

戰。援出鑲黃旗被傷四人。執敵哨訊之。言北京

永定門南二里。有滿桂。黑雲龍。麻登雲。孫祖壽

四總兵。領兵四萬。既回

奏言。敵兵結柵四百。鎗礮十重。我兵不可憚勞。宜

乘夜前進。黎明即攻。

太宗是其言。三鼓進兵列陣。八旗兵與蒙古兩旗兵奮

勇齊進。圖魯什率本甲喇兵先衆攻入。明兵大

敗。陣斬滿桂。孫祖壽。擒黑雲龍。麻登雲。旋奉

命率四十人。哨探通州。遇兩敵將率兩纛兵自通州來

圖魯什奮擊敗之。獲馬八十七匹。京城北門外

有敵兵駐劄。圖魯什乘夜入其營。斬二十三人

獲馬三十四匹。逸賊愛塔遣哨兵往永平。圖魯

什擒之。因訊得愛塔所在。獲而斬之。以功加世

職為二等叅將。緣事仍降為備禦。自永平回兵

時。率五十人往視邊城。分五十人為三隊。留於

後。止率四人在城下探視。有蒙古二十餘人。圍

圖魯什於兩牆間環射之。圖魯什奮勇衝出。回

八旗通志 卷一百四十四
視從兵皆在後。復又衝入。挈之以出。一兵乘馬被敵射仆。率明安達理。擊敗敵人。併援以出。圖魯什勇敢善戰。所至爲前鋒。擒敵哨卒。五年。從征大凌河時。同阿濟格阿格碩託阿格。率兵隨太宗文皇帝擊錦州。誘敵出戰。大敗之。明監軍道張春率兵來援。我兵與戰三晝夜。聞敵渡河出。圖魯什先領擺牙喇。衝入敗之。是晚擊張春營。率擺牙喇兩纛進戰。時八固山兵皆爲敵所阻。遂獨率兩纛越衆衝入。大敗明兵。八年五月敘功。超陞噶喇昂邦。加世職爲三等梅勒章京。六月。

太宗親征察哈爾。

命圖魯什率噶布什賢兵。覓從前貿易遺失蹤跡。獲其原物而還。七月。圖魯什等至歸化城。遇察哈爾國。阿牙克喀塔喜木里克喇嘛寨桑。古木德塞臣寨桑。袞出克僧格台吉寨桑。恭格濟農毛海。葉爾登寨桑。叟格都喇爾寨桑。忒濟葉祐伊特。格爾圖寨桑。噶爾馬青山寨桑。卓禮克圖衛寨桑等。因察哈爾汗妻高爾土門福金。率一千二百戶來降。圖魯什攜其爲首諸寨桑朝。

太宗於行在。是月毀明邊牆。入畧大同一帶。壬辰至宣

太宗化府。壬午至懷遠。圖魯什等設伏於左衛城。遇明總兵曹文詔。部下騎兵二百五十人出城。奮擊敗之。斬三十八人。獲馬三十八匹。生擒四人。閏八月甲申朔。大兵至左衛城東駐營。乙酉。圖魯什往宣化府偵探。遇明總兵祖大弼哨卒十五人。單騎突入衝殺。矢中其腹。猶力戰不休。我兵繼至。斬十三人。生擒二人。圖魯什箭創危篤。

事。而數十日。圖魯什等至。其

聞。圖魯什率數百人。與

太宗迎視之。丁亥病創卒於軍。先是圖魯什同侍衛扈。什布等擊敗祖大弼等兵二百五十人。斬首三十四級。生擒把總一員。兵三名。獲馬三十八匹。十月。議征大同諸官功罪。

賜圖魯什碩翁科洛巴圖魯號。又以其陣亡。贈三等昂。邦章京世職。以其次子巴世泰襲。順治十二年。世祖章皇帝追念開國功臣。各加諡號。

特賜圖魯什諡忠宣。

巴世泰。圖魯什碩翁科洛巴圖魯次子也。天聰八年。襲父三等昂。邦章京世職。任一等轄。順治七年九年。連遇。

恩詔。超加爲一等伯。是年蒙古侍衛索尼謀逆。忌巴世泰忠勇。乃刺死之。

世祖章皇帝特恩超授三等侯。以巴世泰長子朱蘭泰襲。朱蘭泰無嗣。以朱蘭泰弟桑格襲侯爵。仕至內大臣管鑾儀衛事。桑格子偏圖襲侯爵。累官鑾儀衛冠軍使。

巴山。滿洲鑲黃旗人。姓瓜爾佳氏。世居哈達地方。初以任事有能。授備禦世職。天聰五年。從大兵克大凌河。我國將領屯布祿戰歿。敵兵欲取其屍。巴山擊却敵兵。取屍以出。又奮入敵陣。取

出朗格等二人屍。六年。大兵往收察哈爾國遺民。出邊時。同圖爾格。在後埋伏。有敵兵來尾我後。返擊敗之。追至城下。斬殺甚衆。崇德元年。征朝鮮。巴山同屯泰。持護牌擊敵敗之。三年。同貝勒岳託。征明。遇明侯總兵。及馮太監兵。竝率本甲喇兵敗之。攻鉅鹿縣。督雲梯克其城。四年。敘功。加半箇前程。順治元年。從睿王多爾袞。入山海關。步戰擊流賊敗之。二年。敘功。加世職爲三等甲喇章京。七年。九年。三遇

恩詔。加至三等阿思哈尼哈番。出駐防江寧。有賊來攻。

八旗通志 卷一百四十四
親率八旗兵出城擊敗之。又遣兵敗賊於北門。擊破葉山賊營。斬賊渠僞王一。僞總兵五大敗。其衆巴山駐札江寧八年。凡有賊警。俱率章京兵等進剿。必平定乃已。勤勞甚著。敘功加世職爲二等阿思哈尼哈番。康熙十二年卒。子舒恕襲職。十五年。舒恕從征陝西叛鎮王輔臣。至平涼城北護山墩。王輔臣子王繼正與各僞總兵率馬步兵萬餘拒敵。舒恕隨撫遠大將軍圖海進擊敗之。是年。隨征南將軍穆占。往湖廣征逆藩吳三桂。至松滋縣朱家堡。敗賊三千餘。十九

年。進雲南平定逆藩吳世璠。又敗僞將軍馬寶。巴養元等於烏木山。竝在行間有功。二十五年。議敘。加世職爲一等阿思哈尼哈番。

布克沙。滿洲鑲黃旗人。姓瓜爾佳氏。世居哈達地方。初任擺牙喇甲喇章京。駐防牛莊。往擒敵哨。遇敵兵。擊敗之。崇德二年。從征皮島。同鰲拜。巴圖魯乘一舟先登破敵。五年。征明圍錦州。刈取田禾。敵兵出戰。率擺牙喇十名敗敵。直抵濠邊。又擊敗杏山馬兵。追至敵步兵營。又擊敗明松山馬步兵。旋同宜爾德。蘇拜。往錦州埋伏。有

八旗通志 卷一百四十四
敵兵來拒。誘而擊之。追奔至河邊。奪其纛。竝獲其馬。又同圖爾格。葉克舒。與敵兵戰。布克沙自右翼進。連敗之。是年敘功。授半箇前程。七年。大兵圍錦州。分兩路以進。合擊明松山馬兵。布克沙奮勇力戰。又隨大兵擊明軍門洪承疇。馬步三營。竝敗之。八年。隨貝勒阿巴泰。征明。入邊日。擊敗明馬總兵於渾河岸。有杜副將率馬步兵三千餘。立營拒渡。布克沙同纛章京鰲拜。巴圖魯。敗其衆。至山東。率擺牙喇一半。往畧萊州府。取蒙陰。沂水二縣。八年敘功。加世職爲牛叅章。

京。順治二年。從征流賊。至陝西綏德州。城內遁出。馬步賊兵。布克沙率擺牙喇敗之。又敗延安府賊。直抵城門。流賊一隻虎者。率馬步賊兵自城中出。來犯我守汛。布克沙隨英親王阿濟格。敗之。追流賊至湖廣武昌府。僞田國公率馬步衆來拒。奮擊敗之。至富池口。隨和碩額駙固山額真杜雷。往九江。擊敗賊衆。獲賊船隻。東至池州府。往尋僞總兵黃蜚兵。獲船十二隻。三年六月。從揚威大將軍多鐸。追騰吉思。聞布爾噶圖山有賊。布克沙隨博和託貝子前往。追斬二十

八旗通志 卷一百四十四
餘人。又擊敗土謝圖汗及碩羅汗兵。四年敘功。加一拖沙喇哈番。七年九年三遇

恩詔。加至一等阿達哈哈番。累官鑲黃旗蒙古梅勒章京。戶部侍郎。子貴復。初任二等侍衛兼牛彖章京。順治十六年。從征雲南。我兵圍困沅江府。有敵兵千餘。出犯我守汎蘆屯地方。貴復率本甲喇兵擊敗之。康熙十四年。從征逆藩耿精忠。至江西。敗僞余將軍於符潭浦地方。僞帥李茂珠。李復生等。率賊萬餘於建昌府城南鐘鼓山相拒。貴復力戰被傷。尋以傷發卒。二十五年敘功。

授拖沙喇哈番。以子黨色承襲。

覺羅色勒。滿洲鑲黃旗人。

景祖翼皇帝之曾孫也。崇德元年。從

太宗文皇帝征朝鮮。取江華島。敵兵列舟截河。色勒率

右翼兵徑渡。由固山額真阿哈尼堪船越衆前

往。遂取其島。二年敘功。授牛彖章京世職。順治

四年。以色勒係武功郡王禮敦巴圖魯之孫。超

加世職爲一等阿思哈尼哈番。七年九年三遇

恩詔。加至二等精奇尼哈番。由燾章京梅勒章京陞固

山額真吏部侍郎內大臣。十四年卒。

賜祭葬如典禮。諡勤愨。子額爾德。初任牛录章京。崇德七年。從大兵征明。圍錦州。敗松山馬兵。又擊明軍門洪承疇三營兵。敗之。八年。隨貝勒阿巴泰。征明。擊敗渾河岸駐札明兵。又擊明三河馬步兵。敗之。順治元年。從睿王多爾袞。入山海關。擊流賊。追至慶都縣。以功授牛录章京。世職。七年。九年。三遇。

恩詔。加至一等阿達哈哈番。緣事革職。康熙八年。承襲伊父色勒之二等精奇尼哈番。

喀喀木。滿洲鑲黃旗人。姓薩哈集里氏。父名唐噶里。世居烏喇卦爾察地方。

國初首先歸命。授備禦。世職。天命六年。隨大兵平遼東。加世職爲遊擊。天聰八年。從征瓦爾喀。爲熊傷而卒。喀喀木以崇德七年襲父三等甲喇章京。世職。緣事降爲牛录章京。順治元年。署梅勒章京事。管後營官兵有功。二年。加半箇前程。四年六月。以任吏部侍郎。五載考績。仍授世職。爲三等甲喇章京。七年。九年。三遇。

恩詔。加至三等阿思哈尼哈番。奉命以昂邦章京駐防江寧府。五月。

八旗通志 卷一百四十四
特授靖南將軍。統領官兵。往征廣東逆寇。

賜之勅曰。今逆賊侵犯廣東肇慶等處地方。以爾爲靖南將軍。同梅勒章京噶來道喇。統領官兵。前赴廣東平南王尚可喜。靖南王耿繼茂處。將延擾廣東賊寇。與二王相繼剿除。其未服本省府州縣等處地方。亦與二王相繼剿撫。九月。同靖南王耿繼茂克復潮州府。捷。

聞。下部議敘。十一年。以江南浙江海寇窺伺。

世祖章皇帝特遣葉赫朱瑪喇。往廣東代喀喀木爲靖南將軍。令喀喀木仍還江寧駐防。十六年。海寇

鄭成功大舉入寇。破瓜州。陷鎮江。六月二十六日。徑攻江寧。喀喀木與合城文武官固守。先是海寇未薄江寧時。適有出征貴州凱旋梅勒章京噶褚哈。馬爾賽等。統兵由長江東下。至江寧。卽入城協防。喀喀木與總督郎廷佐。及凱旋梅勒章京等密商。乘賊兵未齊集之時。卽擊其先至之船。於是六月三十日。兩路出剿。擊敗賊衆。斬級甚多。獲賊船二十艘。印二顆。至七月十二日。鄭成功至於城外。連扎八十三營。設大礮地雷。密布雲梯木柵。上下江及江北要地。悉布賊

艘勢甚猖獗。喀喀木與總督等晝夜防守十五日。蘇松總兵官梁化鳳統兵三千來援。杭州駐防等處援兵俱集。喀喀木等會商。賊立三營於儀鳳鍾阜二門外。當先擊之。二十三日。喀喀木親率滿兵堵禦賊營。總督及提鎮各標兵開門出勦。陣擒偽總統余新。併斬偽總兵二員。晚始收兵。次日總督守城。喀喀木等率滿兵由陸路出勦。梁化鳳等由水路出勦。五更出城。賊已據山列陣。喀喀木等率我兵奮力仰攻。大敗賊兵。生擒偽提督甘輝。併偽總兵等。斬殺無算。燒毀

賊艘五百餘隻。成功敗遁。喀喀木等順流追殺。直至海口。二十八日始回江寧。捷

聞。下部從優議敘。康熙元年。緣事降世職爲一等阿達

哈哈番。兼一拖沙喇哈番。

達素。滿洲鑲黃旗人。姓張佳氏。世居蜚雅朗阿村。

國初從征有功。任擺牙喇壯尼大。尋授擺牙喇甲喇章京。天聰五年。從

太宗文皇帝征明。攻大凌河城。明兵來援。有監軍道張春兵甚銳。夜犯

大營。達素同燾章京鰲拜巴圖魯奮擊却之。旋往
 畧明地。收其馬羣。斬一人。崇德六年。從圍錦州。
 率擺牙喇兵敗明杏山馬兵。七年。復從圍錦州。
 擊明松山後哨兵敗之。明松山步兵三十餘人。
 據塔山嶺。施放鎗礮。達素同前鋒六章京衝至
 山上。盡斬之。又敗其松山馬兵。明軍門洪承疇
 馬兵由松山夜遁。達素復同前鋒六章京追擊
 之。溺海者無算。十一月。從豫郡王多鐸等赴寧
 遠。明兵來戰。達素同燾章京阿積格尼堪擊敗
 之。八年十二月。從梅勒章京鄂羅塞臣等征黑

龍江。降博和爾城。又招降昂邦噶爾他素。阿積
 格噶爾他素二村。順治元年。從大兵入山海關。
 擊流賊竝有功。二年。敘功。授牛錄章京世職。六
 月。從征山西。至太原府。敗城中步兵。至絳州。敗
 偽馬將官。掩殺至黃河邊。賊登舟以逃。達素督
 我兵射之。賊多落水死者。尋又隨英親王阿濟
 格。追流賊至湖廣承天府。同燾章京鰲拜巴圖
 魯圍其城。有偽劉侯乘船五百艘。順江而東。達
 素駕小船追至武昌府。敗之。又同燾章京哈寧
 阿擊賊田惠。追至九江富池口。獲賊船七十六

人旗通志 卷一百四十四
三
隻。望見對岸有李自成賊營。達素越希爾根哈
寧阿軍。直前衝殺。自成奔九公山。復同尚書覺
羅巴哈納。追至山頂。敗之。獲馬一百三十匹。三
年。從肅親王豪格。征四川流賊八大王張獻忠。
至漢中府。敗賊帥何進。又隨大兵。擊敗張獻忠。
次日師旋。達素隨貝勒尼堪殿後。擊敗賊衆。尋
敘功。加一拖沙喇哈番。三遇

恩詔。加至二等阿達哈哈番。初達素從征大同。叛鎮姜
瓌擊賊於大同城下。又敗賊於右衛。已而大同
兵大至。達素與察哈爾布衣圖。巴圖魯。土默特

恩克折矢誓曰。予受

皇恩。若避賊離此地尺寸。卽如此矢。卽奮勇進戰。喉及
兩手。兩足竝中傷。遂墜馬。擺牙喇等欲負以出。
達素嚙其手曰。我寧死於此。誓不離寸地。已而
賊敗退。乃還。後

世祖章皇帝聞其事。嘉其忠烈。特授一等阿達哈哈番。
兼一拖沙喇哈番。九年七月。隨定遠大將軍敬
謹親王尼堪。往征湖南。在衡州敗賊。追殺二十
餘里。又率擺牙喇。敗賊於山梁。貝勒屯齊。遣達
素往寶慶偵探賊踪。達素深入賊哨百餘里。聞

入旂通志 卷一百四十四
賊已遁。惟沙路口有賊設挨牌三層拒戰。卽奮
擊敗之。又同固山額真圖賴。阿拉善等破山上
賊營。尋聞廣西桂林府賊寇搶奪全州米糧。又
奪我兵馬匹。達素同固山額真拉瑪。梅勒章京
阿思哈等率兵往剿。斬僞副將一員。守道一員。
破其衆三千。進破三寨地方。毀賊營。斬僞副將
四員。守備五員。賊四千餘。遣將畧興安縣。斬僞
總兵張萬祿。及僞都司一員。又聞灌陽縣土賊
常霸侯率賊三千在桂林搶奪。達素遣擺牙喇
甲喇章京殷達渾等往剿。斬僞道一員。僞叅將

一員。守備八員。又聞距桂林府六十里兩江地
方有賊。遣將往剿。斬賊將倪兆龍。擒其渠帥高
秉祖。僞副將魏宗善。共安撫一府七縣。是役也。
敬謹親王尼堪戰歿於衡州。軍前將佐俱獲罪。
惟達素所至有功。又分剿廣西。獨免於議處。前
後從征軍功甚偉。克敵至二十四次。旣旋京。授
纛章京。仕至內大臣。十六年六月。海寇鄭成功
破鎮江瓜州。圍江寧。七月。

世祖章皇帝特命達素爲安南將軍。同固山額真索渾
纛章京賴塔等統領官兵往剿。達素率禁旅至

八旗通志 卷一百四十四 五
江南則總督郎廷佐昂邦章京喀喀木及提鎮
等兵已破走海賊。然海氛未靖。達素仍駐兵江
南。宣諭

朝廷威德。務散其黨與。於是原從海上投誠之海澄
公黃梧等。多方招徠。十八年七月。鄭逆僞都督
萬儀。萬祿等。擒僞中匡伯張進。僞總兵朱受。折
毀所據銅山城垣房屋。率僞官一百八員。兵四
千四百名。兵民家口萬餘。渡海投誠。達素具疏
奏聞。下部議敘。尋以水土不習。病卒於軍。

莽伊圖。滿洲鑲黃旗人。崇德三年。從揚威大將
軍岳託征明。初入明境。敗明侯總兵。又於河西
務擊敵兵。敗之。進攻山東濰縣。率本甲喇兵射
守陴者。克其城。從貝勒多鐸攻錦州。刈民人田
禾。有錦州兵突出來戰。莽伊圖率兵擊敗之。又
連敗杏山松山馬步兵。六年。大兵圍錦州。莽伊
圖同兩路官兵。會合左翼三旗。擊明松山兵。敗
之。七年。從大兵敗明經畧洪承疇三營步兵。敘
功授半個前程。順治元年。入山海關。隨大兵擊
流賊。追至慶都。二年。敘功。加授牛系章京世職。
七年。九年。三遇。

八旗通志 卷一百四十四
恩詔。加至二等阿達哈哈番。十七年。緣事降爲三等阿達哈哈番。仕至副都統。

綽克託。滿洲鑲黃旗人。姓博爾濟吉特氏。世居西喇地方。事

太宗文皇帝。授二等侍衛。崇德六年。隨征錦州。以軍功授一等侍衛。順治元年。

定鼎燕京。任內大臣。理藩院侍郎。議政大臣。緣事革職。康熙十四年。隨征吳三桂。於陝西攻橫城。身受頭等重傷。授拜他喇布勒哈番。兼一拖沙喇哈番世職。

劉之源。鑲黃旗滿洲包衣人。天聰十年三月。授三等甲喇章京世職。崇德五年。征明圍錦州。攻十五座臺。劉之源同漢軍四旗兵。用紅衣礮克之。進攻松山路臺。又克之。擊敗明松山步兵。又擊敗明杏山馬兵。七年。從大兵圍錦州。擊山嘴步兵。敗之。明軍門洪承疇大隊兵。自松山城遁。駐高橋南三臺。劉之源率四旗紅衣礮。前行遇敵。斬三十人。遂攻三臺。克之。殺一百三十人。又同四旗漢軍。攻克塔山城附近之臺。又攻塔山城。同漢軍四旗。用紅衣礮攻之。攻破之處。論功

八旗通志 卷一百四十四
列第四等。又攻杏山附近之臺。亦同四旗用紅衣礮克之。進攻杏山城。仍同四旗用紅衣礮攻之。攻破之處。論功列第一等。陞鑲黃旗固山額真。崇德七年八月。議敘加世職爲二等甲喇章京。八年。從鄭親王濟爾哈朗征明。攻前屯衛中後所二城。指揮本旗用紅衣礮克之。順治元年二月。敘功加世職爲一等甲喇章京。五月。同固山額真葉臣等征山西。攻太原府之源。同葉臣等往視攻城之處。城內步兵出城來戰。擊敗之。旋指揮用紅衣礮攻克其城。又同固山額真覺

羅巴哈納等。招服四十三城。同葉臣等招服二十三城。二年。追流賊至湖廣。有僞毛總兵率四千餘賊。犯應山縣。同固山額真巴顏墨爾根侍衛李國翰。祖澤潤等。共擊敗之。有僞馬總兵已降。復帶船六百隻叛去。之源。同固山額真金礪。追至武昌府。奪其船四十隻。又有常副將帶船二百隻。叛往湖泊。亦同固山額真墨爾根侍衛李國翰。梅勒章京譚拜。追獲船一百七十隻。三年四月。敘功加半箇前程。六年。以定南將軍。隨鄭親王濟爾哈朗征湖廣流寇。至洪江地方。同

八旗通志 卷一百四十四
尚書阿哈尼堪擊僞帥袁中第兵萬餘敗之。又僞軍門王承祚兵列於西門地方。同固山額真金維城擊敗之。七年九年三遇

恩詔。加至一等阿思哈尼哈番。又一拖沙喇哈番。十一年。隨寧海大將軍宜爾德。征浙江舟山僞魯王於橫水洋。擊僞伯阮進等敗之。之源陣斬阮進。又同固山額真金礪。攻舟山城。指揮將士。以雲梯攻擊克之。凱旋。敘功。加世職。爲三等精奇尼哈番。十六年。任鎮海將軍。駐防鎮江。尋加太子太保。康熙三年。乞休歸。尋卒於家。子光襲世職。

仕至鑲黃旗都統卒。次子邦柱襲世職。仕至浙江提督。

俄齊爾桑。滿洲鑲黃旗人。原係札魯忒貝子。

國初收服蒙古時。俄齊爾桑率屬來歸。授備禦世職。從征董夔陣。斬敵一人。獲其人畜。從大兵征明北京。遇薊州步兵。同楊古利額駙。首先衝陣。天聰六年。攻錦州時。擊大凌河兵敗之。八年。敘功。加爲三等甲喇章京。順治三年。敘羣臣舊功。超加俄齊爾桑爲三等梅勒章京。

欽此

欽此

欽此

欽此

欽此

欽此

欽此

欽此

欽此

八旗通志初集卷之一百四十五

名臣列傳五

鑲黃旗滿洲世職大臣五

阿哈尼堪 子噶爾哈圖 達海 路什巴圖魯 子布納海

巴薩喀 叔誇克他哈 哈什屯 弟季爾塔巴

額楚 兄子格克里 偏俄

扈圖 子穆圖 華善

莊機達 兄高赫德巴圖魯 弟丑合德 色畢倫 子達爾古 族

滿都禮 鄂對

吳木篤 禪布

巴雅思胡朗

薩弼圖 索住

薩穆素 祖寵純

傅臘塔

鄂克遜 父鄂通武

戴豪

西米賴

馬爾齊

麟楚

巴勤容

阿合只

魁黃武

谷田

八旗通志

阿哈尼堪滿洲鑲黃旗人。姓傅察氏。世居葉赫

地方。初任牛录章京。崇德四年。隨曹海。沙木什

喀。征薩哈連烏喇。俘獲九十五人。又擊爪喇賴

村。與索倫合寨居人。先入有功。五年。薩哈連烏

喇叛。合奔博廓爾兵來侵我汛地。我守將伏兵

擊之。阿哈尼堪復先戰有功。授牛录章京。世職。

七年。從大兵征明。圍錦州。左右翼兩路合兵擊

松山馬兵。阿哈尼堪隨梅勒章京曹海奮擊敗

之。第三日。明軍門洪承疇以兵來戰。阿哈尼堪

隨固山額真宗室拜音圖擊敗之。又敗松山步

八旗通志 卷一百四十五
兵。順治元年。隨睿親王多爾袞入山海關。擊流賊。復隨拜音圖步戰。敗賊。追至慶都縣。以功加世職。爲三等甲喇章京。十一月。隨定國大將軍豫親王多鐸南征。破流賊。滅福王。平定河南江南。俱在行間有功。攻揚州府時。城內兵出拒敵。隨大兵敗之。又遇福山叛民二千餘來犯。率正白旗羅多禮。鑲紅旗肯車狼。擊敗之。福山叛民。又以兵千餘來犯。同甲喇章京速班代。擊敗之。進攻常熟縣。同固山額真馬喇希。指揮我兵。攻毀其城。三年。隨豫親王多鐸。追騰吉思。又擊土

謝圖汗及碩羅汗兵。又同四固山章京。率兵往截騰吉思孫喀爾馬特。木登。多爾濟。台吉。巴圖舍津等百餘人。擊斬之。俘獲騰吉思子婦人等甚衆。以功加世職爲一等甲喇章京。四年四月。任兵部侍郎。五年。陞本部尚書。七年三月。調禮部尚書。三遇

恩詔。加世職至一等阿思哈尼哈番。卒於官。子噶爾哈圖。初管擺牙喇甲喇章京事。崇德二年。從征朝鮮。攻一山寨。回兵時。獲我軍燾一桿。救出受傷兵一名。三年。隨揚威大將軍貝勒岳託。征明。攻

深州城助和陀以雲梯攻克之。五年圍明錦州。明杏山馬步兵來戰。隨昂邦章京拜山等擊敗其衆。明塔山兵敗走。噶爾哈圖於桑噶爾集堡埋伏。邀擊敗之。又同我兵兩路會擊明松山馬兵。敵兵夜遁。隨燾章京鰲拜巴圖魯追至塔山南海岸。大破其衆。七年。隨肅郡王豪格圍松山。敵兵夜犯鑲黃旗阿里哈超哈汛地。噶爾哈圖同拜山擊却之。八年。從貝勒阿巴泰。征明至通州。有馬步兵百餘來窺我營。噶爾哈圖同鰲拜巴圖魯擊斬之。隨有杜副將率馬步兵三千餘。

於渾河岸立營相拒。仍同鰲拜進擊破其營。至山東。布雲梯攻蒙陰縣。以第三人登城克之。至沂水縣。率本甲喇兵亦以雲梯攻克其城。師旋敘功。授半箇前程。三遇

恩詔。加至三等阿達哈哈番。達海者。噶爾哈圖弟也。積

軍功。授拜他喇布勒哈番。順治九年。以擺牙喇章京署燾章京。從征山西。圍大同城。有賊三百餘來犯。同一等公鰲拜巴圖魯擊敗之。是年兄噶爾哈圖承襲伊父之一等阿思哈尼哈番。因以已所得之三等阿達哈哈番與達海承襲。併

八旗通志 卷一百四十五 四
達海原得之世職。襲爲一等阿達哈哈番。十一年從征湖南。於岔路口擊僞帥孫可望。中鳥鎗陣亡。加贈一拖沙喇哈番。圖魯爾之長子。路什巴圖魯。滿洲鑲黃旗人。姓納喇氏。世居章城地方。崇德八年。從奉命大將軍貝勒阿巴泰。征明至山東。以雲梯攻兗州府。路什繼賴達哈以第三人登城克之。

賜名巴圖魯。授三等甲喇章京。世職。順治元年。從大兵入山海關。同衮大巴圖魯。以步戰擊流賊敗之。又同阿哈尼堪。追流賊至慶都縣。二年敘功。加

世職爲二等甲喇章京。是年從征流賊至陝西綏德州。同梅勒章京阿喇善。敗其衆。又同署甲喇章京舒里渾。擊延安府流賊。七戰皆捷。流賊一隻虎。率衆來犯。路什以步戰敗之。隨英親王阿濟格。擊李自成營。賊帥僞劉侯率兵來拒。同燾章京蘇拜。擊敗之。遂獲李自成妻子。三年。隨肅親王豪格。征四川。於楚會地方。率本旗兵。擊敗流賊賀珍。又同燾章京希爾根。擺牙喇甲喇章京董俄洛。擊敗流賊八大王張獻忠。又率燾滅土寇。曉夜前進。連克三村。擊敗賊兵千餘。斬

殺甚衆。七年九年三遇。三林。章京鄂訥。梅勒
 恩詔。加至三等阿思哈尼哈番。十五年從征貴州。於十
 萬崎山擊僞總兵羅大順。同燾章京鄂訥。梅勒
 章京噶褚哈。將官兵分爲三隊。奮擊敗之。賊復
 整衆來戰。又連敗之。十七年敘功。加世職爲二
 等阿思哈尼哈番。康熙十七年。從征逆藩吳三
 桂。在湖廣陣亡。議卹加爲一等阿思哈尼哈番。
 兼一拖沙喇哈番。子布納海承襲。康熙三十六
 年。布納海隨征厄魯特噶爾丹有功。加世職爲
 三等精奇尼哈番。

巴薩喀滿洲鑲黃旗人。姓巴牙喇氏。世居虎爾
 哈地方。叔父誇克他哈。於
 國初投誠。其黨有不從者四人。殺之。率丁壯四十

人。眷屬九十口。越長白山來歸。天聰八年。授三
 等甲喇章京。世職。順治元年。巴薩喀襲叔職。五
 年。隨征湖廣。流賊一隻虎。賊兵犯荊州。巴薩喀
 隨大兵敗之。尋往駐防杭州。有賊兵萬餘犯紹
 興府。委率章京莫爾渾。翁貴。余白等。並官兵三
 百餘往援。擊敗之。賊自紹興敗走。復於海岸拒
 敵。又擊敗之。燒賊船三百餘隻。獲賊船一百餘

八旗通志 卷一百四十五
一隻。又牛頭山有賊千餘。巴薩哈同馬爾圖率章京二員。並綠旗官兵擊敗之。又至沙土都門等三村。擊敗賊兵四千餘。從征山東。同梅勒章京覺善。破賊於恩縣。又敗之於齊河。又敗之於平陰。十一年。從征廣東。至新會縣。隨靖南將軍朱瑪喇。擊偽安西王李定國。連敗其衆。十三年。敘功。加世職爲三等阿思哈尼哈番。

哈什屯。滿洲鑲黃旗人。姓傅察氏。世居沙濟城地方。崇德二年。從征瓦爾喀。同滿都戶等爲嚮導。於所入汎地。獲人馬甚多。三年。授禮部叅政。

明石城島總兵沈志祥來歸。留守諸王遣哈什屯。賚馬匹食物往迎之。八年。更定官制。以各部院設叅政員數過多。改副理事官。順治二年。授牛录章京。世職。四年。加世職至二等阿達哈哈番。五年。加爲一等阿達哈哈番。七年。遇

恩詔。加一拖沙喇哈番。五月。任議政大臣。八月。緣事降世職。爲拜他喇布勒哈番。十月。復授一等阿達哈哈番。兼一拖沙喇哈番。九年。二次

恩詔。加至一等阿思哈尼哈番。十二年。加太子太保。康熙三年卒。

子卹如典禮。諡恪僖。子米思翰。孫馬思喀。馬武。並有傳。
見得諡名臣。弟季爾塔巴。初任擺牙喇章京。順
治元年。從大兵破流賊。平定河南。追李自成至
潼關。同燾章京阿爾津。以步戰破流賊第一第
二兩營。二年。從貝勒博洛。征浙江。至湖州府。同
布丹。擊敵兵五百餘。敗之。東趨錢塘江。遇僞王
總兵。擊敗之。又追僞楊軍門舟師。至蘇州府。獲
船十五隻。追至平濠。又獲船十隻。平湖縣僞王
總兵。二次率眾來犯。率本固山擺牙喇。以步戰
連敗之。進征福建。於泉州府同甲喇章京。俄拜

擊敗僞黃總兵一千八百餘眾。又同巴朗。和陀。
敗賊兵八百餘。又擊敗僞陳副將馬步千餘人。
又同俄拜。擊敗南安縣馬步兵六百餘人。奪門
直入。克其城。四年。敘功。授拖沙喇哈番。世職。七
年。九年。三遇

恩詔。加世職。爲三等阿達哈哈番。尋卒。次子壯圖。襲職。
仕至副都統。

額楚。滿洲鑲黃旗人。順治二年。從肅親王豪格。
征流賊。至陝西西安府。用雲梯攻西平縣。繼昂
海之後。以第二人登城克之。五年。議敘。授拖沙

喇哈番世職。七年九年。三遇。

恩詔。加至三等阿達哈哈番。十五年。從梅勒章京噶褚

哈。征僞桂王至貴州。十六年。凱旋。由水路至江

寧。值海寇鄭成功攻陷鎮江瓜州。直犯江寧。額

楚隨噶褚哈。協同本地官兵。大破鄭寇。事平。議

敘。加世職爲二等阿達哈哈番。十七年。補授駐

防江寧協領。十八年。陞本駐防副都統。康熙七

年。陞本駐防將軍。十二年冬。逆藩吳三桂反於

雲南。十三年正月。陷湖南郡縣。額楚奉

命遣兵隨鎮南將軍尼雅翰。往守安慶。三月。逆藩耿精

忠反於福建。賊兵犯江西。八月。饒州兵變。叛降

於耿逆。九月。饒州賊兵陷江南徽州府歙縣祁

門等處。額楚奉

命親統兵往勦。大破賊兵。克績溪縣。恢復徽州府。十二

月。復婺源縣。進取饒州。攻樂平縣。克之。旋復饒

州府。十四年正月。賊兵復來攻饒。額楚遣官兵

擊敗之。四月。親統官兵破賊兵四萬於萬年縣

之石頭街。五月。復萬年縣。閏五月。賊兵復陷饒

州廣信二府。併陷萬年。額楚復統兵大破其衆。

復廣信府。又復萬年縣。尋往吉安。詣揚威大將

八旗通志 卷一百四十五
軍簡親王喇布軍前。叅贊軍務。吳逆賊兵來犯。額楚與僞將軍韓大任相拒。三戰皆失利。

聖祖仁皇帝命戶部侍郎班迪往勘。額楚與叅贊哈爾哈齊。巴爾堪等。俱議革職。得旨仍留任。十六年。吳逆賊帥胡國柱。馬寶圍廣東韶州府。額楚往援。會同鎮南將軍莽依圖。大破賊兵。

韶州圍解。十七年十二月。同撫蠻滅寇將軍傅弘烈。進定廣西。與吳逆僞將軍吳世琮戰不利。藤縣失陷。復同傅弘烈等。破走吳世琮。事平還任。二十年十月卒。其兄子格克里。康熙十六年。

以六品官從征逆藩吳三桂。至廣東電白縣。僞將軍馬雄。董仲民等。率賊兵拒敵。格克里奮勇進戰。遂亡於陣。二十五年。議卹贈拖沙喇哈番世職。以其次子法保承襲。

偏俄。滿洲鑲黃旗人。姓伊爾根覺羅氏。世居葉赫地方。初任牛錄章京。管牧圍事。順治二年。以督理罔政。効力年久。授牛錄章京世職。七年。九年。三遇。

恩詔。加至二等阿達哈哈番。十一年八月。又以督牧勤勞。加世職爲二等阿思哈尼哈番。官至內大臣。

加太子太傅。扈圖。滿洲鑲黃旗人。姓瓜爾佳氏。世居蜚偶村。初以擺牙喇章京。從征福建。攻分水關。有賊萬餘拒守。同噶爾哈圖。擊敗之。順治六年。從征湖廣。至衡州府草橋。有賊陶養用。馬步兵三千餘拒戰。扈圖同賴塔。擊敗之。又同賴塔。擊衡州府南山岡賊胡一清。周金湯等。並連敗之。又於雙橋。擊敗賊王進才。又同梅勒章京。賴護。擊敗偽雷軍門。譚軍門。馬步兵一萬二千餘。又從征山東。以紅衣礮攻曹縣。於擊毀處。首先登城克之。

敘功授拖沙喇哈番世職。九年二次

恩詔。加至拜他喇布勒哈番。兼一拖沙喇哈番。官至纛

章京。康熙十四年。以年老戰陣傷發。殘廢乞休。

次子積爾薩。襲其世職。長子穆圖。康熙十三年。

以二等待衛。從征逆藩耿精忠。至江西鄱陽湖

义口村十五里。敗偽副將陳留印。朱二等。六千

餘賊。又敗之於鄱陽湖崖營山林。十四年五月。

從定南將軍希爾根。破耿逆偽帥邵連登。於建

昌府長興地方。十五年。隨定遠平寇大將軍安

親王岳樂。敗逆藩吳三桂偽將軍夏國相。李良

棟於萍鄉縣東來龍山。敘功授拖沙喇哈番世職。仕至前鋒統領。

華善。滿洲鑲黃旗人。姓伊爾根覺羅氏。世居佛阿喇地方。初以官學生就

國學肄業。筮仕由吏部主事。陞刑部郎中。會舟山海寇竊發。以郎中管夸蘭大事。率兵進勦。與賊戰於海洋之中。兩陣方合。適颶風颺發。波濤洶湧。賊擁戰艦乘風來犯。矢石如雨。銃礮交加。華善率所部舟師直前陷陣。往來衝突。離賊船丈餘。躍登賊舟。奮勇大呼。揮刀力戰。身被數創。腹

中一創。腸突出。遽以船上稻草掩傷處。仍一手執刀血戰。馘斬二人。殺傷數人。賊眾披靡莫敢當。所部兵丁相繼登賊舟。遂生擒渠魁一人。獲賊百餘。得船一隻。我師繼進。遂破賊於舟山之洋。奏凱旋師。論功授拖沙喇哈番世職。陞太僕寺卿。旋陞內閣學士兼禮部侍郎。康熙九年特命巡撫甘肅。十二年冬。逆藩吳三桂反於雲南。狗下

四川等處。陝西亦多叛者。十四年二月。蘭州兵變。華善奔涼州。會同官兵援勦。七月復蘭州。明年疾作。卒於官署。孫德新。乙未進士。改授翰林

院庶吉士。累官至。經筵講官內閣學士。兼禮部侍郎。今降補翰林院侍讀學士。

莊機達。滿洲鑲黃旗人。姓吳查喇氏。世居薩哈爾義地方。兄高赫德。崇德八年。從大兵征明。入山東境。以雲梯攻武定州。奮勇以第一人先登。遂克其城。

賜名巴圖魯。授牛叅章京世職。又加半個前程。順治元年。入山海關擊流賊。同甲喇章京巴山。以步戰敗賊。二年論功。加爲三等甲喇章京。四年。莊機

達襲兄世職。六年。從征江西叛鎮金聲桓。隨大軍擊其馬步兵七萬餘。賊於南昌府章江列船爲橋。復大敗其衆。又敗賊熊大廷三千餘。進勦至吉安府安福縣。有僞總兵三人。率賊五千餘來戰。隨大兵進擊敗之。又有僞劉總兵率馬步三千餘賊。帶雲梯挨牌來犯我濠塹。仍隨大兵敗之。進攻信豐縣。有賊兵衝出。又敗之。至徐嶺。隨大兵敗僞兗國公馬步五營。十一年。從征廣東。至新會縣左邊山。隨靖南將軍朱瑪喇擊敗僞安西王李定國軍。定國又率步兵四萬餘於

八旗通志 卷一百四十五
新會縣山峪內拒戰。仍隨大兵敗之。追至廣西界。有僞都督吳三省。僞總兵王成。楊三才等。於路旁拒敵。又隨大兵敗之。十三年敘功。超授二等阿思哈尼哈番世職。子達爾占。承襲父職。康熙十三年。逆藩吳三桂之亂。達爾占隨大兵平定廣東廣西雲南等處。効力有功。議敘加世職。爲一等阿思哈尼哈番。兼一拖沙喇哈番。其族弟有丑合德者。以壯尼大從征貴州及江寧府。擊賊有功。授拖沙喇哈番世職。又有色畢倫者。崇德八年。從大兵征明至山東。攻蒙陰縣。以雲

梯登城克之。敘功授半個前程。

滿都禮。滿洲鑲黃旗人。姓瓜爾佳氏。世居訥音江地方。初以包衣擺牙喇從征朝鮮。獨自奪船。獲二十隻。明門軍洪承疇以兵十三萬來戰時。滿都禮奪其船三十隻。後以其妻係

世祖章皇帝乳母。因授滿都禮三等甲喇章京世職。順治九年出包衣。遇

恩詔加世職至二等阿達哈哈番。仕至內大臣。

鄂對。滿洲鑲黃旗人。姓博爾濟錦氏。世居西喇木魯地方。初任噶布什賢章京。累陞至噶喇昂

八旗通志 卷一百四十五
一
邦。順治元年十月。隨定國大將軍豫親王多鐸南征。平定河南。進至潼關。流賊李自成親統賊衆來援。鄂對同噶喇昂邦弩山敗之。又同胡密嗇敗賊於北山。又以伏兵連敗賊衆。二年。至南京。同固山額真圖賴追僞福王至蕪湖地方。擊敗其衆。三年。隨貝勒博洛征福建。擊楊李二軍。門兵六千餘。敗之。又同庫爾纏敗敵於汀州府。又擊僞姜總兵。敗之。六年。隨定遠大將軍鄭親王濟爾哈朗。往征湖廣。擊敗僞方總兵熊總兵等。又擊敗賊將周金湯。至衡州府。同柯科敗賊。

帥陶養用。又擊賊將胡一清。追敗之於雙橋。又擊賊帥王進才。兵敗之。至湘潭縣。敗賊馬步千餘人。衡州府石橋有賊拒敵。率噶布什賢兵擊敗之。進至永南關。擊敗賊帥一軍門。三總兵。以功授拖沙喇哈番。九年。遇二次。

恩詔。加世職。至拜他喇布勒哈番。兼一拖沙喇哈番。

吳木篤。滿洲鑲黃旗人。姓傅察氏。世居葉赫地方。順治十五年。以擺牙喇章京。從信郡王多尼。征貴州。於涼水井地方。擊僞侯李成蛟等。敗之。至雙河口。敗僞王李定國。進至魯噶地方。復大。

敗其衆。追至磨盤山。又敗之。吳木篤並在事有功。十八年議敘。授拖沙喇哈番世職。是年從征山東土賊于七。至鋸齒崖。敗賊俞三。呂四奇等。康熙十三年。署前鋒統領。同貝子傅拉塔。征逆藩耿精忠。至浙江。敗賊於黃水山。至蒲塘地方。敗僞總兵吳臣。又敗僞將軍楊德。十四年十月。至上蒲塘地方。耿逆僞將軍曾養性。率賊三萬餘。乘船二百餘隻。水陸來戰。吳木篤同貝子傅拉塔奮擊敗之。復太平。樂清。青田。三縣。及大荆盤石。二衛。是役吳木篤身被數傷。十九年議功。

加世職爲拜他喇布勒哈番。

禪布。滿洲鑲黃旗人。姓納喇氏。世居烏喇地方。康熙十三年。以一等侍衛。兼武備院大臣。從征逆藩耿精忠。至浙江。敗賊渠王宗仁。於諸暨縣河岸。進至義烏縣。有耿逆僞龔都督。僞王總兵等。率三千餘賊。於山坑嶺兩邊險澗。設立鹿角火器拒戰。禪布同大兵連敗之。尋陞副都統。叅贊軍務。十五年八月。同平南將軍賴塔。破江山縣賊。進至處州。破僞葉總兵。及僞副將馬思等於臨善村。耿逆僞驍騎將軍馬九玉等。率賊五

萬餘。於舊溪干木山扎營。又僞總兵桑明等亦率賊馬步二萬餘來戰。禪布同賴塔等連敗之。馬九玉復率馬步賊兵自廟村對過渡江。設立鹿角拒敵。禪布率左翼兵敗之。又敗僞兵曹閔可孝。僞守備趙深等。於下口地方。大兵過仙霞關。至浦城縣。破賊於城北門。復其城。又進至建陽縣關廂橋邊。敗僞王總兵奪其橋。恢復建陽縣。僞總督興明伯趙得勝。僞將軍何猷等率四萬餘賊。於太平山扎立二十六營。又西首白木山有賊馬步萬餘來戰。禪布同寧海將軍喇哈

達等。敗賊西路兵。遂分兵前進。毀其二十六營。大敗賊於城下。進援泉州府。擊洛陽橋賊敗之。奪其橋。遂解泉州圍。海賊僞總統劉國軒自灣腰樹對面渡河。於潮溝間扎立礮架。列礮向我營。施放。禪布同平南將軍賴塔遣滿漢官兵殺賊三百餘。遂破賊營。十九年卒於軍。

賜祭葬如典禮。諡曰勇恪。祭文稱其韜畧兼通。小心奉職。有戰必先。無謀不克云。尋敘功授三等阿達哈哈番。

巴雅思胡朗。滿洲鑲黃旗人。姓吳訥虎沁氏。世

居察哈爾地方。初任甲喇章京。委署梅勒章京。從征江西。至吉安府。城東北有賊兵三千餘。掘濠拒戰。巴雅思胡朗擊敗其衆。平其濠。賊兵千餘復自城來援。並敗之。至白鷺洲。遇乘船賊五百餘。率右翼察哈爾兵擊敗之。又同固山額真巴查爾。梅勒章京碩塔。擊敗關廂賊兵。追至城邊。巴雅思胡朗亡於陣。尋敘卹贈拜他喇布勒哈番世職。以子鄂齊泰承襲。

薩弼圖。字君輔。滿洲鑲黃旗人。姓畢魯氏。世居烏喇地方。任吏部考功司郎中。康熙十四年。以

夸蘭大隨撫遠大將軍信郡王鄂札。征察哈爾。布爾尼有功。授拖沙喇哈番世職。二十五年。外陞山西按察使。有惠政。手著訓辭。勸民息訟。刻命盜條例。頒示村莊。修汾河水利。以資灌溉。聽訟從容。求盡情理。未嘗暴怒。關津勒索者禁之。州縣向有供應上司值月騾馬。悉與罷遣。駐防旗人廝役擾民。及往來解役。積習苛求驛站。至有毀折驛車者。嚴懲之。又禁止奸民歃血結黨。及無賴投充旗下。嚇詐鄉民者。頌聲翕然。二十九年。超陞陝西巡撫。汾州府民人尤感水利之

八旗通志 卷一百四十五
德。建生祠。立碑志去思焉。同旗有索住者。世居
白山薩克達地方。以薩克達爲姓。康熙十七年
從征海寇。以雲梯攻泉州府。首先登城克之。
賜名巴圖魯。十九年議敘。授三等阿達哈哈番。仕至前
鋒統領。

薩穆素。滿洲鑲黃旗人。其祖名寵純。

國初率三百丁壯來歸。

太祖高皇帝賜與金牌。尋以從征卒於軍。薩穆素初任
牛录章京。累有遷轉。順治九年。從固山額真噶
達洪。征鄂爾多斯。以奇喇秘奇河爲界。得地五

千餘里。在事有功。康熙二十年。陞烏喇等處鎮
守將軍。三十七年。議敘前功。加授世職爲一等
阿達哈哈番。

傅臘塔。滿洲鑲黃旗人。初任內閣中書。由部曹
擢御史。外任陝西布政使。內陞至刑部侍郎。以
才能稱。康熙二十七年四月。

聖祖仁皇帝特授爲江南江西總督。到任清弊政。鋤豪
彊。風采赫然。首請免沙溝查稅。

聖祖從之。二十八年正月。

聖祖南巡。閱視漕黃兩河。傅臘塔迎

駕至山東鄒城縣蒞花埠。卽隨侍
聖駕閱河。至江都縣地方。

聖祖以儀徵河閘。關係運道。令傅臘塔會同河道總督
王新命。漕運總督董訥。詳閱議奏。十一月具疏
言。儀徵河閘。爲上江漕艘經由要道。閘外江口
北新洲一帶。俱係乾涸。而北新洲之外。又有沙
漫洲。平鋪於江中。橫亘二三百丈。難以築壩。若
自沙漫洲尾。從北新洲腹內。向東北斜開引河。
以通四閘。不能保無坍淤。似應仍挑北新洲舊
河身。直通四閘。一切糧艘。令循沙漫洲尾轉入。

新河口。可以通行。其日久或有淤阻之處。應聽
河臣酌量挑濬。下所司知之。初

聖祖南巡至江寧時。傅臘塔

奏江寧房稅累民。旋奉

特旨豁免。至是傅臘塔復疏言。江寧民間舖面。多係三
層。內則輪房號。外則輪廊鈔。再外則輪搭棚租
銀。請一體免徵。部議不准。

聖祖特詔如督臣所請。江寧居民。至今咸頌

聖恩。二十九年二月疏言。邳睢等八州縣併徐州衛。俱
被水災。請發常平倉穀賑濟。下戶部議覆得請。

災民賴焉。時江南人文極盛。而鄉試解額甚少。傳臘塔特請廣額。又蘆課丈量。例委佐貳。需索無厭。至是奉旨確議。傳臘塔疏覆。請定爲五年一丈。悉用印官親行經理。併請將從前積逋。酌期帶徵。於是積困頓。旨請甦。三十三年閏五月。卒於任。七月。諭。尚書張英。讀文致祭。十二月。又加祭一次。遣禮部侍郎席爾達。讀文致祭。諡曰清端。

聖祖御製碑文云。朕惟國家所以資封疆之大吏者。固

在乎操履潔清。正已率物。又必優幹濟之才。具通明之職。斯足以振肅下僚。綜理繁劇。綏靖兵民。以無負乎簡任之重。古人所謂有猷有爲有守。兼之者實難其人也。爾傳臘塔。秉性貞誠。賦材敏達。朕屢經拔擢。出典屏藩。入爲卿貳。稔知其品行端廉。謨猷恢裕。念兩江幅幘遼濶。事務殷煩。彈壓保釐。亟需偉略。爰畀爾總制之任。俾展其經理之才。爾能精白一心。坊表庶職。風清弊絕。輿論翕然。更能寬嚴互用。咸綱舉而目張。教養交修。亦害除而利溥。軍民輯睦。里井乂安。斯其才守兼優。豈非國家之楨幹。臣工之楷模者與。

倚任方殷。遽爾徂逝。吏民謳思。至於流涕。且籲請尸祝。觀愛戴之弗諼。知德施之未泯。朕用是深軫於懷。馳賜奠醑。卹典加渥。諡曰清端。親製文以褒美之。於戲。人臣能奉宣德意。以嘉惠一方。生膺顯秩。歿有榮名。勒之貞珉。傳於奕世。寧不休與。既而

聖祖念其居官之優。復給與世職。令其子雙禧承襲。賜與勅書云。傅臘塔原任總督江南江西。實心辦事。才守兼優。清端甚著。江南江西兵民。無不感念。爲此歿後。給以拜他喇布勒哈番。與伊子雙禧。仍再襲二次。後兩江兵民建祠崇祀。

聖祖特賜祠額曰兩江遺愛云。

鄂克遜。滿洲鑲黃旗人。姓傅察氏。世居訥音地方。其父名鄂通武。初從征鄂羅斯。因見我將海色。首出進戰。奪得賊船。遂同牙巴爾漢。以第二陣進擊。亦獲其船。議功超授拜他喇布勒哈番。鄂克遜初襲父世職。康熙十二年冬。有逆賊吳三桂之僞將軍黃吉。及陳乙者。自稱明後裔。住居鼓樓西街。潛聚賊衆。欲謀不軌。十二月二十二日晚。鄂克遜行過鼓樓。因見火起。上房撲滅。見內房折毀。有無數賊人披甲執戈。身繫紅白

八旗通志 卷一百四十五
布。擺列嚴密。心知有變。遂馳告兵部尚書明珠。明珠令轉告都統拉哈塔。鄂克遜疾趨赴告。遂同都統拉哈塔。副都統路什巴圖魯等。率官兵圍其屋之左。維時明珠亦會同正黃旗都統圖海。副都統穆占等。領兵圍屋之右。賊見勢危。鎗箭齊發。我軍多被傷者。遂相顧不敢入擒賊衆。鄂克遜奮出欲往。圖海亟止之。鄂克遜曰。某食祿有年。此正報効時也。於是身著短甲。提刀獨踰後墻。冒烟火衝入。連殺三十九人。遇賊首黃吉揮刀迎戰。鄂克遜與戰良久。折其右臂。遂生

擒之。並獲偽平北大將軍印。持交明珠圖海。又率領軍士入戰七次。手擒七人。賊衆盡獲。大臣等隨詢問黃吉。知燈市口等處。猶有賊黨。卽分撥官兵往捕。鄂克遜復隨去。手擒數賊。餘黨悉平。本月二十七日。奉

旨著往陝西。擒捕叛犯鄭覺靈之子鄭英襲。七晝夜卽馳至。擒獲賊犯。次年正月回京。隨又出征逆賊吳三桂。時定南將軍希爾根。副將軍哈爾哈齊。兵往江西。以道路多梗。與副都統干都海。每佐領兵一人。令取復龍泉等處。以開被截之路。鄂

入旂通志 卷一百四十五
克遜從干都海前進。九月初一日至龍泉縣。賊
僞討虜將軍陳勝率兵萬餘拒敵。鄂克遜突至
賊陣。奪其遮牌。軍士繼進。大敗其衆。二十一日。
因龍泉所屬石灰噉口。有僞總兵陳秉鈞領兵
三千拒守。干都海令鄂克遜往觀。賊兵馳出迎
戰。鄂克遜射殪之。卽回營領兵擊敗賊衆。遂奪
其營。是日進至三都噉。敗賊副將劉贊明兵二
手。又進至河塘噉。復敗黃世標兵。亦取其營。遂
克復龍泉等處。後從干都海至袁州。有賊僞少
保朱姓者與僞總兵黃乃忠會兵來戰。鄂克遜

隨干都海以數百騎身先犯陣。奮擊敗之。賊復
整衆來戰。復擊破之。十四年二月至吉安府。賊
僞將軍高大節韓大任率兵拒敵。於城西十五
里交戰。我軍失利。鄂克遜殿後。力戰敗賊十餘
次。是日副都統朔塔遣人取南關倉米。遇賊攔
截。鄂克遜敗賊之後。饒有餘勇。奮力死戰。衛護
人夫未折一人而還。十五年五月。吉安府北關
有賊兵三千。掘濠列陣。鄂克遜擊敗其衆。奪其
關城。追至大城下。方欲填濠。城內兩次出兵來
拒。鄂克遜率兵奮擊。大敗賊兵。遂填濠毀墻而

入。恢復府城。八月二十日。吉安所屬梅塘地方。賊衆列陣以待。鄂克遜突入賊陣。斬遊擊一員。奪其大纛。賊遂大潰。十二月十二日。賊僞將軍馬寶。率兵數萬來援韓大任。將軍額楚。選勇士分三路進擊。鄂克遜率勇士殺入賊陣。所向披靡。後見大軍失利。鄂克遜益奮力死戰。身被數創。戰馬中烏鎗而倒。鄂克遜墮地。輒躍起大呼。奮勇步戰。連斬數人。更奪取賊人所騎花馬乘之。復殺入賊陣。捨出陣亡。諸勇士尸。回戰益力。卒敗賊衆。奉命大將軍康親王傑書。嘉其忠勇。

賞鞍馬一匹。衣一襲。以獎勞之。後

欽差大臣至營。查閱敗軍之罪。獨鄂克遜獲免。十六年

隨將軍額楚等追殺韓大任。敗之於青原山。復敗之於布撫村。截賊去路。屢戰皆捷。追至福建汀州府之上下潦地方。韓大任被圍窘甚。時十七年正月。將軍等遣鄂克遜入賊營招降。遂單騎馳往。諭韓大任以利害。後五日。韓大任請降於康親王傑書軍前。鄂克遜奉令迎韓大任入城。隨送往清流縣安置之。十七年。從征南將軍穆占兵。至永興縣城南安營。馬寶於五更時率

八旗通志 卷一百四十五
兵犯柵。鄂克遜守柵拒敵。日以繼夜。賊兵不能入柵而退。適護軍統領拉賽薩哈察巴圖魯等被困永興縣城。七月初八日。將軍穆占令鄂克遜領兵送米四十四船。火藥一船。接濟城內兵丁。鄂克遜於二更時領衆大戰。突圍至城下。大呼開門。拉賽自城上云。賊中亦有能清語者。慮屬奸細。須待天明看真。方可放入。鄂克遜於城下徹夜鏖戰。次日天明。將米糧火藥送入城內。初十日。復帶空船殺出生擒偽千總一員。賊兵三名。送至辰州。穆占軍前斬之。十八年二月。從

將軍穆占進攻永州。二十二日。遇賊偽將軍郭英輔兵於獅子嶺。鄂克遜率衆擊敗之。追殺十餘里。斬首六百餘級。二十六日。復大破偽將軍張祖法兵。遂復長寧縣城。又於白水等處。屢敗賊衆。斬獲甚多。三月至永州。賊於浮橋列陣拒戰。鄂克遜奮勇入陣。奪取浮橋。大敗賊兵。遂復永州府。十九年十月。安遠平寇大將軍貝子章泰分撥每佐領兵六名。令征南將軍穆占率衆進攻。鄂克遜隨征。於本月初八日。擊退賊兵。追至新田衛。賊偽將軍韓天福等領兵千餘。登城

八旗通志 卷一百四十五
拒敵。鄂克遜自北門越城，擊敗賊衆，追殺出南門。遂復新田衛城。韓天福更收集殘兵於城外，逆戰。鄂克遜率兵敗之，斬首七百餘級，生擒百人。獲馬匹軍器甚衆。韓天福中流矢死。十一日，攻取鎮遠府。鄂克遜領兵爲頭隊，賊僞將軍張祖法、楊永宣等設立三營拒敵，連戰二日，賊勢不支。夜半遁去。遂復鎮遠府。疾馳至偏橋，追及賊兵，斬殺殆盡。將軍穆占進取貴州，恐重安江浮橋被毀，令鄂克遜總領每旗兵五名，以郭都加罕爲兩翼，往取浮橋。鄂克遜於四更馳至，殺

走賊兵，橋板已去其二。僞總兵二員、知府一員、賊兵七百。倉皇不得渡，請降，受之。隨修理橋板。大軍克渡，遂復貴州。十一月十三日，將軍穆占遣鄂克遜往清平縣擒捕邏候賊，追至縣東門，大殪敵衆，奪門而入，斬首五十餘級，生擒守備一員、千總一員，遂復其城。次日進至興隆衛，並克之。十八日，隨穆占進取平越府。鄂克遜爲頭隊，克其城。及至貴陽，賊衆宵遁，亦恢復之。二十一年二月，大兵攻克新縣。鄂克遜復追擊賊兵，斬獲甚衆，旋復普安州。進至雲南城。二十一日，逆

八旗通志 卷一百四十五
三
孽吳世璠遣僞大將軍胡國柄率賊萬餘排列象隻拒戰。諸路大兵自卯至午奮勇進戰。鄂克遜衝破鹿角突入賊陣。手斬胡國柄於陣中。賊遂大潰。大軍繼進。追殺至城下。擒獲無算。尋奪取桂花寺等處十一要路。賊勢危急。吳世璠自刎死。其黨獻城投降。遂復雲南。鄂克遜自京城擒賊。及出征諸處。共計破賊一百六陣。克復二十一城。又有馬篷賊者。亦被盡行勦滅。事平回京。

聖祖仁皇帝召見。驗其創傷。

賜御衣一襲。內庫銀三百兩。宅第一處。田一百五十畝。奴婢十二人。二十七年。湖廣裁兵。夏逢龍作亂。鄂克遜同侯巴渾岱討平之。後陞任江寧副都統。四十六年四月。奉

旨江寧副都統鄂克遜漢仗好。勲績殊烈。

特賜一拜。他喇布勒哈番。併前世職。授爲三等阿達哈哈番。

御書驍勇二字。賜之。及貂帽一頂。貂裘二件。內廐馬一匹。授爲鎮守江寧將軍。五十一年。

陛見來京。

聖祖御景山。閱宗室射箭。

命諸大臣侍衛近前。令鄂克遜陳奏功績。鄂克遜備陳

始末。

聖祖謂諸臣曰。朕將伊効力之處。令爾等聽之。欲爾等勉而効之耳。次年正月。進

見於暢春園。

聖祖問曰。行軍之道如何。鄂克遜奏曰。兵道甚粗。其精奧處。雖鬼神亦不能測。唯能知地勢。以仁服軍士爲要。

聖祖曰。爾言甚是。兵者不得已而用之。再仁服之軍。以死進戰。威服之軍。畏而已矣。非真心服也。次日選其子傅勒黑。入充侍衛。

賜宅第一處。官田六頃。蒙古人五族爲奴。四月初一日。陛辭。奉

旨召王大臣等於

暢春園。論額亦都鰲拜功績畢。召鄂克遜入殿。更令陳奏前功。

聖祖曰。將軍之功。雖奏至夜。亦不能盡。額亦都鰲拜者。太祖太宗時之勇將。將軍者。此時之勇將也。爾等聽伊功績。當以爲式。諸王大臣奏曰。將軍之勇。今幸得悉

聞雖古名將無以過也。曰：謀軍之良，今幸得悉。

聖祖以所言為是。更

賜鄂克遜海驢馬一匹。衣帽什物甚夥。五十七年。因年

老乞休。章凡三上。准以原官致仕。食俸如故。屢

召見。玉大對等。伏

賞賜頻仍。六十一年冬。

世宗憲皇帝即位。特賜

聖祖御用數珠一掛。雍正元年。

賜涼帽一頂。御衣三襲。七年病故。年八十六。大日。其

賜祭葬如典禮。追諡武襄。立碑墓道。以垂不朽焉。

戴豪。滿洲鑲黃旗人。姓戴佳氏。世居渾郭地方。一等侍衛副都統海青之第三子也。幼充侍衛。入值。禁廷。後累任佐領副都統。雍正七年。靖邊大將軍。公傅爾丹率師由北路進。勦準噶爾。戴豪以副都統叅贊軍務。九年六月。進至和通胡爾漢諾爾地方。賊兵設伏拒敵。勢甚猖獗。戴豪率兵奮擊。勇氣倍常。力戰數次。遂亡於陣。

賜祭葬如典禮。卹贈拜他喇布勒哈番。以其子俄克精

八旗通志 卷一百四十五 名臣列傳五 初集

額襲職。西米賴滿洲鑲黃旗人。姓鄂諾氏。世居薩哈連烏喇地方。任副都統。雍正七年。隨靖邊大將軍公傅爾丹。由北路進征準噶爾。九年六月。遇賊於和通胡爾漢諾爾地方。賊兵設伏山谷。鎗礮猝發。西米賴率兵進擊。奮不顧身。力戰陣亡。

賜祭葬如典禮。卹贈拜他喇布勒哈番。以其子慕克得

納承襲。

馬爾齊。滿洲鑲黃旗人。姓扎庫他氏。世居噶哈里地方。任歸化城副都統。雍正七年。隨靖邊大

將軍公傅爾丹。進征準噶爾。九年六月。賊兵於和通胡爾漢諾爾地方。設伏拒敵。馬爾齊率兵進擊。勇氣百倍。衝殺數次。遂歿於陣。

賜祭葬如典禮。卹贈拜他喇布勒哈番。以其子雅爾講阿襲職。

